

阿文成公年譜

阿文成公年譜卷十七

受業

王昶勸定

第三子孫那彥成恭纂

盧蔭溥增脩

乾隆四十年

十二月初五日

公偕豐昇額海蘭察額森特奏言查薩爾歪寨落  
共有三處官兵於攻克瓦喇占之後卽向下接拏  
木柵運礮轟擊已見殘損臣等於十八日晚間分  
派官兵令官達色帶兵攻其左烏什哈達帶兵攻

其右臣海蘭察率同五福泰斐英阿等自上而下

攻其正面但薩爾歪對河有阿結占寨落兩處既  
可與薩爾歪隔河應援並即在官兵捨上山梁道  
路之旁若不一併掃除則尅日上攻難免旁顧又  
派福康安曾爾曾額爾特等過河直捨各寨十九  
日卯刻官兵同時並進直抵薩爾歪寨下四面攀  
登賊人驚慌無措一面放鎗拋石抵禦一面棄寨  
而逃經官兵預行繞出其後痛加截殺殲賊甚多  
遂將薩爾歪三處碉寨佔據其隔河之阿結占寨  
落兩處亦經福康安等同時力攻立即克獲惟是

官兵已從西路攻壓下至沿河今復從沿河上攻  
察看科布曲索隆古山形高峻其間道路雖多礮  
寨亦爲不少官兵分路上攻卽須隨地接擊木柵  
以資直上山梁之頂如從前搶佔西里辦法方能  
得手臣等已儘力抽出兵五千有餘擬分四五路  
上攻現在仍於果木得克攢礮力轟明示以官兵  
尙欲勦洗此處而一面趕緊砍運木植預備齊全  
卽於數日內發兵直上爲一氣攻搶之舉至臣豐  
昇額額森特亦已部署官兵屆期與西里官兵同  
日分攻科布曲下截山梁若乘賊首尾不能相顧

竟能佔據固屬大爲有益否則竭力攻打可以大分賊人之勢與搶上索隆古各處之兵亦可添助聲勢奏入

諭曰阿桂一路官兵每次進攻俱能克獲礮卡擒殺賊人甚爲欣慰卽當鼓勵我軍乘勝直搶科布曲索隆古以便迅搗噶拉依賊巢至明亮一路其聲勢尙不如阿桂一路之奮勇直前此時賊勢日蹙不特兩路將軍應同心併力務於歲內速成大功以膺茂賞卽富德亦當於此時相機進取俾在事官兵同沾恩澤以光奏凱旌庸之典

十一日

公偕豐昇額海蘭察額森特奏言查科布曲山腿之克爾古什拉斯一帶原係自勒烏圍前抵噶拉依正路地當緊要凡有可上之處賊俱密排木城礮卡一覺官兵潛上卽合力放鎗滾石以爲負隅之計至攻上科布曲索隆古等處山險林深必如搶佔西里阿穰曲之法一氣仰攻而上至稍可立脚處卽趕拏木柵佔定方能有濟當經公同籌議

臣海蘭察帶同格勒爾德等從中路上攻福康安瑚尼爾圖泰斐英阿等從左手上攻魯爾魯額爾

特等從右手上攻又派保寧仁和成德在曾爾魯之右常祿保與侍衛岱三保在福康安之左各帶兵上攻以分賊勢而烏什哈達等緊隨中路官兵接拏木柵並令五福趕運木植應用其攻克爾古什拉斯各處礮卡之兵復分爲六隊臣等察看情形格隆古一處在科布曲以下勒隈勒木通克爾古什拉斯以上正居山梁中間其上有礮柵數座其旁林箐幽深山壁更爲陡削賊度我兵萬萬不能至此未必嚴防若出其不意突然而上放火焚燒則山梁上下賊人慌亂於正路攻打官兵殊爲

有裨但此處既不可容多人攀越而派撥之外亦更無兵可用因令海祿於大營內派出投番十七名潛往埋伏俟上下官兵舉動後突起搶殺二十七日亥刻臣海蘭察等中三隊官兵各自進發蟻附而登及至五鼓各礮卡之賊均來抗拒我兵抵冒鎗石向上力攻賊俱穿林竄入得木巴爾大寨悉力固守臣海蘭察遂將其地佔據至攻打克爾古什拉斯一路之兵特成額那木扎帶兵先上攻克第二礮井卽與書麟等合勢將峯頂兩礮及山峯西面礮卡全行克取而烏爾納亦攻克第四礮



臣額森特等將山腿一帶所有礮卡同時攻克而倭昇額等繞過山嘴又將山後莫里雅木寨落亦俱克獲共計攻克礮卡寨柵三十餘處至所遣上格隆古之投番等於二十七日夜接踵攀越繞過礮上礮座潛伏將近黎明見山梁上下官兵均已動手隨將火彈拋入木城之內該處係賊番存貯火藥之所一時轟發立即燬其一柵其旁兩礮並砍門而入將礮內賊人殲戮而各處賊衆以是處爲居中扼要之地合力來援土兵等奮力衝突而出斬獲頗多隨於佔據處所下至溝底皆已拏柵

聯落聲勢又由曾爾曾佔據之處直指山梁向上  
拏柵八座現在築起礮臺移礮往轟附近礮卡查  
攻獲克爾古什拉斯各礮卡外順梁迤東地名勒  
隈勒木通賊人尙復死守礮卡二十九日又已攻  
取一礮現在移礮往轟以便相機搶佔奏入

諭曰連日盼望阿桂等一路捷音甚切今雖未能卽得賊  
人要害山梁而旁近寨落屢有克獲亦足翦賊番羽翼  
而褫其魄若能佔得科布曲及索隆古兩處山梁便可  
從上下壓直鞫噶拉依其勢更易其中惟舍齊喇嘛寺  
賊人或尙於彼聚守然乘勢采入軍氣奮揚彼疲殆之

賊自難支禦則掃穴擒渠諒應尅期歲事阿桂等惟當  
善體朕意速集大勲

十二日奉

旨補授鑲黃旗領侍衛內大臣

十七日

公偕豐昇額海蘭察額森特奏言查勒隈勒木通  
一線山脊峯巒起伏礪卡嚴密自移礮往轟後業  
已克其一礪其接連賊礪又運礮加緊摧打亦稍  
見塌損臣豐昇額額森特卽派書麟特成額彰霽  
烏爾納那木扎等初三日寅刻帶兵分隊並進將

賊礮三座四面圍定攻至卯刻賊人猶拒守如前  
先是臣等已密派侍衛伊里布等帶兵預行埋伏  
屆時卽從右手下至山半復迤邐斜上繞攻第四  
五礮天已黎明前三礮賊人望見心慌我兵分頭  
直上殺賊甚多其從礮上跳下者又被我兵追殺  
並拏活口四名餘多落水淹斃遂克其在前三礮  
並乘勢又克在後之兩大礮石卡九座至得木巴  
爾一路初三日將運到大礮轟摧數次臣海蘭察  
隨派官兵奮勇攻撲當將中間石礮並附近礮座  
之木城一併奪取會爾會額爾特等亦得其一礮

各有殲戮現已向上接拏木柵十數座離山梁之頂較前更近查勒限勒木通礮卡盡克之後官兵相距格隆古不過中有三礮現在潰散賊人雖又退入礮內死力拒守但移礮往轟不難克取至得木巴爾賊人尙恃其地形陡削鎗礮之外推滾大石日夜抗拒但官兵設法拏柵一上山梁之頂則已據科布曲之上而格隆古一得又已出科布曲之後更足使其腹背受患諒必可克取而一得科布曲卽擬直搶索隆古其得木巴爾們都斯賊人皆拒守無益亦必不攻自潰奏入

諭曰阿桂等將勒隈勒木通礮卡悉行攻克殲賊甚多將軍及將士等僉皆實心出力朕深爲嘉慰惟是現攻之科布曲索隆古兩處山梁卽能尅期得手尙隔舍齊喇嘛寺一隘方能直搗噶拉依或官兵乘勝采入賊衆難以復支掃穴之功易如破竹自屬最善阿桂等務當仰體朕意努力速爲之

二十三日

公偕豐昇額海蘭察額森特奏言查臣海蘭察一路官兵前次所擊木柵已距科布曲正頂不遠若卽突然分路上攻搶得迎面各礮卡則一氣直上

正梁得手自較爲迅速當於初六日晚間分撥官兵臣海蘭察帶同伊蘭保官達色等攻搶中間礮卡木城又派福康安烏什哈達等從左進攻賊人放礮之右卡又派曾爾曾等從右攻殺濠溝內所藏賊衆而派藍翎侍衛遜集鼐等潛繞賊人礮卡之上向下攻壓臣額森特由勒隈勒木通山梁大路直取格隆古先是臣等察看情形格隆古之上科布曲之下其中有丫口一處地名兜窩賊人於中間設立堅礮聯絡據守若從雅瑪朋寨落穿越林箐而上可以繞至兜窩此一路崖勦陡削攀越

固爲費力而轉因地險菁深黑夜由此上攻賊必無從知覺搶得兜窩則從中截斷可破其聯絡之勢因復派海祿等帶領土兵潛密繞登俟兩處官兵得手後直前搶佔初七日寅刻臣海蘭察等之兵奮迅由中路直進於鎗石中間分隊鼓勇上登殺賊甚衆且逸集隲等之兵又已繞出其上賊不能支紛紛敗遁而福康安普爾曾等同時並上合力奮攻將各礮卡均經克獲賊衆被殲甚多官兵遂直上科布曲山梁之頂隨派各領隊等帶兵下壓科布曲正寨各官兵戰勝之後勇氣倍增奮力



攻打當將科布曲寨落又全攻克維時臣額森特

督同領隊鎮將等將格隆古以前三寨業已分頭

攻克隨即進圍格隆古大戰礮賊見官兵齊上山

梁拚死突圍而出俱被官兵截殺得脫者甚少而

海祿所帶土兵先已潛至兜窩丫口隨即攻佔臣

海蘭察額森特等及海祿各兵會合將科布曲附

近寨落十餘處分派官兵逐一攻克而海祿所帶

之兵并將莎羅奔甲爾瓦沃雜爾向日所居之拉

布咱占一寨分頭奪取至索隆古一處山勢更高

最爲緊要其礮卡木城在山岡之上潰敗賊人復

退聚於此卽令索倫兵及土兵由林箐中從右繞  
進抄出其後而臣海蘭察額森特之兵從正路上  
攻賊人棄礮奔遁官兵合勢趕殺遂將索隆古拏  
柵佔據是夜并乘勢將得木巴爾們都斯礮寨一  
併攻獲其安布魯木一帶合總兵成德卽於初八  
日分隊攻搶又將此一帶石礮木柵概行克獲此  
次各處打仗所克大礮木柵石卡寨落一百餘處  
殺賊二三百名拏獲活口二名查自克爾古什拉  
斯以至科布曲一道山梁賊人恃爲屏蔽死守不  
遺餘力今仰賴

皇上天威已盡克科布曲各礮寨並將最險最高之索隆  
古業經佔據雖投番等稱賊人又欲於鄂衣楂爾  
丹布哈爾斯拉瓦等處修築礮卡尙圖抗拒但進  
取之路徑較多官兵若從鄂衣楂爾丹布哈爾前  
進固可越過斯拉瓦之上而若由斯拉瓦繞進則  
鄂衣楂爾丹布哈爾拒守亦歸無用奏入

諭曰阿桂等奏官兵攻克格隆古科布曲索隆古們都斯  
得木巴爾一帶山梁礮卡寨落並乘勝搶佔安布魯木  
山峯礮卡官兵等越險直進鼓舞摧堅所殲醜類甚衆  
且扼賊人要隘皆由將軍等調度合宜參贊及諸將領

等董率銳進官兵並能奮勉出力均極可嘉兩所得勞績亦較前數次更大阿桂豐昇額海蘭察額森特及在事之將領員弁等俱著交部從優議叙以示獎勵仍俟大功告成另沛酬庸渥典

恭錄

御製詩

將軍阿桂奏報攻克科布曲索隆古山梁等處碉寨

卽期延擄賊巢詩以誌事

西里剋來逮一月阿桂自中秋夜攻克勒烏圖卽統兵進剿而賊衆聚守西里攻之三月餘未克  
直至十一月初三日夜官兵分路襲擊奮勇推堅將西里一帶賊寨悉行攻克計其奏至之期距今又月餘矣賊

巢近復阻山梁索隆古據建旣勢阿桂自攻得西里後乘

固租魯瓦喇占雅瑪朋及薩爾歪勒限勒木通等處礮卡

盆掃除卡布角沿河一帶寨落而科布曲及索隆古山梁

爲賊人近巢要害抵拒益力屢次攻之未下茲阿桂等奏

至科布曲正梁賊人挖濠固守鎗石晝夜不絕未易暫進

若突然分路上攻捨得迎面各礮卡一氣直上正山梁得

手較爲迅速因於十二月月初六日晚分撥官兵海蘭察同

伊蘭保等攻捨中間城卡福康安烏什哈達等攻其左會

爾魯額爾特等攻其右而令侍衛遜集龍潛密繞出賊礮

之上向下攻壓額森特則於大路直取特成額等攻其左

三礮派烏爾納那木扎等從正面進攻特成額等攻其左

書麟等攻其右豐昇額規往策應並派海祿等率土兵從

雅瑪朋穿越林箐潛行繞至兜窩了口以待併力齊發初

七日夜海蘭察等由中路直進官兵從鎗石叢中鼓勇上

登磴賊甚衆逸集龍等亦已繞出其上賊不能支紛紛敗

遁福康安會爾魯等同時合力奮攻其指派各礮卡均經

克獲礮賊亦多官兵勇氣倍增遂將科布曲寨落全行攻

截殺始盡海祿之兵已攀援上至兜窩了口與海蘭察領

森特會合即將丫口搶佔並克科布曲附近寨落及拉布  
咱占寨而索隆古山勢更高彌卡在山岡之上潰敗賊衆  
退聚其內不宜稍驕即合索倫兵率土兵由林箐中繞進  
抄出其後海蘭察額森特從正路上攻賊人棄彌奔遁官  
兵躡擊殲斃及帶傷竄者又復不少遂將索隆古佔據并  
將得木巴爾們都斯彌卡一併攻獲又將安布魯木一帶  
併爲掃清通計攻克大彌石卡大棚一百餘處獲駿九鳥  
鎗刀矛等物無算殺賊二三百名生擒二人即日發兵直  
搗賊人巢穴以冀早爲掃殄是役也將軍等調度合宜參  
贊及領隊董率奮勉各兵亦俱勇往出力深爲可嘉因勅  
部優 噶喇依 卽賊巢俗謂頻覆卵殃冒險衝鋒資衆力除  
寇助順賴 之刮耳巖者

天慶紅旗早晚其將至益切中宵旰不遑

諭曰阿桂現據之索隆古山梁距噶拉依賊巢不遠今阿

桂乘勝深入勢如席捲雖據投番等供賊又欲於鄂衣

檣爾丹布哈爾斯拉瓦等處修築礮卡抗拒現在官兵  
進攻迅速賊衆自皆措手不及卽或舍齊喇嘛寺尙思  
聚衆力守然距賊巢愈近賊計愈窮而賊胆亦愈落以  
我勝兵臨之不啻摧枯拉朽由彼直搗噶拉依自可尅  
期掃蕩看來此事搗穴已有把握而揜渠則宜加意妥  
籌今索諾木及老土婦阿倉阿青等於噶拉依甲雜兩  
處往來無定而莎羅奔甲爾瓦沃雜爾則逃於庫爾納  
其守科布曲之大頭目布籠曾阿納木當噶拉阿納木  
及丹巴沃雜爾並逃回賊巢其餘莎羅奔二人亦在噶  
拉依久住此等皆必須揜解京師明正典刑此次征剿

金川原因索諾木等之負恩反噬必將逆黨全獲獻俘  
方爲全美阿桂明亮至時當多方搜捕務獲勿使一人  
得脫刑誅又據投番供出山塔爾薩木坦現在來達木  
帶兵其人亦係小金川助惡大頭人必應擒獻者且來  
達木爲進攻甲雜之路所必經山塔爾薩木坦向來頗  
能帶兵打仗明亮等進剿時尤宜加倍畱神設法攻克  
並將山塔爾薩木坦擒獲解京勿使免脫

二十七日

公偕豐昇額海蘭察額森特奏言查賊人於科布  
曲要隘旣失之後雖勢窮力竭尙思以布哈爾則



朗噶克爲尾巢屏蔽必當分路力取臣額森特帶  
領隊章京鎮將等從山梁正南攻打布哈爾礮卡  
賊已備禦嚴密難以一舉必得因察看情勢其山  
梁迤西雖亦峯巒陡峻林木叢深而山坳尙有一  
線敲仄之徑可以繞出朗阿古之後蓋以朗阿古  
迎面山勢更爲險削必須攻克斯拉瓦克爾切木  
兩處前至甲木爾始能回攻朗阿古既得朗阿古  
然後可以橫截布哈爾之後壓取則朗噶克使賊  
失其所恃臣海蘭察卽帶領各領隊侍衛鎮將等  
從此進攻均於十三日丑刻進發詎賊於索隆古

至布哈爾中間均擊有礮寨木城並又於此處礮  
卡之上布哈爾之下將樹木砍倒層層堆積尙欲  
逞其暫時拒守之計是時臣額森特率同烏爾納  
那木扎彰靄等督兵前進將礮卡木城均行克取  
及至倒木堆積處所賊已潛伏樹木叢密之中儘  
力放鎗迎拒官兵正在覓路前進而臣海蘭察之  
兵已從山坳繞過將近斯拉瓦克爾切木遂合會  
爾曾額爾特居右烏什哈達官達色居左而臣海  
蘭察同福康安瑚尼爾圖伊蘭保等居中並進立  
卽奮勇攻開一面畱兵佔據一面帶兵越過旁岔

山腿三道直抵甲木爾又將礮寨克獲隨即回攻  
朗阿古而達爾卓克頭人色木里雍中已預先送  
信歸誠從中接應遂將朗阿古佔據當即冲上山  
梁將得拉古礮卡攻克截斷則朗噶克丫口之後  
纒賊甚多維時布哈爾賊人見官兵已出其後驚  
慌無措臣額森特即督官兵砍開樹木前進遂將  
布哈爾礮卡攻克而書麟海祿特成額預備接應  
之兵并即攻至則朗噶克山梁之上將丫口各礮  
均行奪據是日臣海蘭察同曾爾曾瑚尼爾圖等  
由巴薩沙進攻奇石礮官寨俱行奪獲海祿之兵

并卽由則朗噶克了口下至溝底將噶爾噶木勒  
烏果木德克聶烏各寨落悉行焚燒十四日海蘭  
察一路又派官兵將庫爾納額木里多各寨及巴  
斯科官寨逐一剿洗下至瀕河并將得里角寨奪  
獲十五日又派官兵攻佔噶占官寨十六日官兵  
循噶占山腿而上拏住山梁其瑪爾角各寨落亦  
皆克取連日打仗共得官寨三處稠寨四五百處  
獲九節鐵礮一尊烏鎗刀矛等物甚多拏獲活口  
五名現在官兵已駐噶占山梁之上距瑪爾占當  
噶甚近且賊已披靡不堪而投出者又復千百成

羣臣等惟有乘此銳氣卽於一兩日內分路進取  
一佔瑪爾古當噶則順梁下壓舍齊喇嘛寺噶拉  
依諒必勢同破竹

公又偕豐昇額奏言本月初十日有達爾卓克寨  
頭人色木里雍中遣人稟請投降并稱附近礮卡  
多係伊所管之人如准投降俟官兵打仗之日卽  
爲內應臣伏思金川滅亡在卽色木里雍中欲乘  
此時自救其死固爲情事所有且我整兵而往卽  
有詭計亦無所施因卽准其所請於十三日進兵  
時果卽出卡跪迎卽日隨軍打仗殺賊凡賊中虛

實無不一一直告是晚又稟稱大頭人布籠曾阿  
納木與伊素常相好求遣人前往招降臣等以布  
籠曾阿納木久拒顏行其罪本無可追但此助惡  
頭人均當設法生致方能明正刑章况布籠曾阿  
納木原係土舍先行投出賊人震動更必盡成瓦  
解而其餘大頭人等見布籠曾阿納木投出得保  
首領必皆萌倖生免死之心更可以多得數人當  
卽聽其遣人招致去後茲布籠曾阿拉木帶領丹  
扎布六寨男婦老幼共一千餘人並與迷輸喇嘛  
一同投出均奏入

諭曰阿桂等由索隆古進攻所向克捷現據噶占山梁整  
兵直搗噶拉依且逆酋平日所恃之大頭人亦率屬出  
降可見賊中勢已瓦解指日可期掃穴擒渠皆由將軍  
參贊等調度有方故能動合機宜屢戰克捷而海蘭察  
又勇畧超羣諸將領並皆奮勉出力實屬可嘉著將阿  
桂豐昇額海蘭察額森特及領隊大臣并將領員弁等  
俱交部從優議叙以示獎勵仍俟大功告成再沛酬庸  
茂典

是年子阿彌達擢二等侍衛

四十一年丙申六十歲

正月初二日

公偕豐昇額海蘭察額森特奏言查瑪爾古當噶  
爲進取舍齊喇嘛寺噶拉依要路丫口旣設有堅  
礮而喇烏喇左通木果木右據瑪爾古當噶之上  
賊人早已設礮聯絡且深挖溝濠布置更爲嚴密  
若止從瑪爾古當噶進攻恐賊得以併力拒守必  
須首尾並擊隨公同籌議臣額森特從則朗噶克  
丫口上搶喇烏喇山梁各礮臣海蘭察由瑪爾古  
當噶以南綽爾丹格薩木山梁進攻十六日夜臣  
額森特先帶兵由則朗噶克一面拏柵上逼一面



分撥官兵從箐林叢深之中潛密攀越而上至相近大礮處所暗爲埋伏賊見我兵豎柵進逼果於十七日寅刻從高而下突然衝擊臣額森特卽督率埋伏之兵從箐林中間直攻各礮卡將守卡賊衆全行殲戮其侵擾擊礮之賊望見我兵已據梁上礮卡驚慌潰散官兵奮力追殺除滾落崖礮之外殲戮甚多遂乘勝循梁攻壓將瑪爾古當噶礮卡佔據並克獲山梁迤東一帶寨落臣海蘭察之兵派令福康安曾爾曾瑚尼爾圖等於十七日寅刻分隊由噶占前進將山梁左右寨落礮卡一併

克獲又從山坳前進攻佔得爾隴山坡至是日夜  
我兵齊抵舍齊喇嘛寺四面奮攻撲入寺內將抗  
拒賊人併力勦殺得脫者甚少其寺旁礮卡亦俱  
乘勢搶佔並殲其頭人當噶拉阿納木蒙固阿申  
十八日復進攻雍中喇嘛寺其時各處潰散賊人  
盡已歸入寺內捨死抗拒隨派魯爾魯官達色額  
爾特從右進攻福康安瑚尼爾圖泰斐英阿從左  
進攻而臣海蘭察率同伊蘭保格勒爾德從中冲  
壓至戌刻官兵四面圍定鎗箭如雨賊不能支當  
有喇嘛六十餘名出寺投降餘賊驚慌奔潰我兵

追殺甚多卽將雍中喇嘛寺封鎖派兵嚴加看守  
臣額森特卽於十八日帶兵從瑪爾古當噶順東  
山腿攻打將格爾巴夾木巴雪寨下至克角千登  
亦經搶佔此次連日打仗攻克碉卡寨落五百餘  
處殺賊不計其數查噶拉依碉寨高堅鞏固較勒  
烏圍局面更大詢之投出大頭人布籠曾阿納木  
達什阿庫魯供稱索諾木及莎羅奔等兄弟五人  
以及丹巴沃雜爾阿木魯綽窩斯甲等均在其內  
率衆拒守現在福康安曾爾曾等帶兵從拉古爾  
向河拏卡以圍賊人之右臣海蘭察卽從莫克巴

扎木克什官寨下至河邊圍賊人之左臣額森特  
從克爾干登下至喀爾巴河沿仍各接拏木柵兩  
三日諒可合圍則水陸俱斷賊酋等萬無逃竄之  
路至金川大頭人達什阿庫魯沙巴租魯俱已投  
出沙巴租魯因帶伊家口尙未到營先將達什阿  
庫魯供詞錄呈

御覽至本日晚間有投番來稱索諾木之母姑姊妹俱已  
投順現於河西之甲納雜爾渡河前來統俟到時  
另行訊供奏

聞外於誘擒索諾木兄弟之事亦甚有裨益奏入

諭曰連日兩路將軍馳報得勝捷音賊勢已萬難支禦今阿桂又將附近賊巢之礪卡寨落五百餘處全行掃蕩已將噶拉依四面圍攻水陸俱斷指日即可擒渠掃穴迅集洪勳實由將軍阿桂等調度精詳機宜悉中用能所向克捷甚屬可嘉所有將軍參贊及領隊大臣各將弁等均著交部從優議叙俟紅旂奏捷再沛渥恩

又

諭曰阿桂等現已統兵直抵賊巢四面攻圍并知索諾木莎羅奔兄弟及助惡之丹巴沃雜爾等俱在圍內自更無從奔竄但須設法生擒勿令窘迫自斃方爲萬安聞

索諾木之母姑姊妹俱有投出之信果爾則逆酋等或  
亦可招致阿桂自有權衡至現在投降之達什阿庫魯  
其罪惡尤重非布籠魯阿納木達固拉得爾瓦可比將  
來尙須一同獻俘者但此時不妨經權參用姑賞以翎  
頂或彼果能招誘逆酋等來投原可假此爲餌統於功  
成獻俘時分別伊等罪狀再行定奪

恭錄

御製詩

雪

正月初二日

翼日逢膏雪新年第一祥繼冬優且渥

昨歲冬雪屢霑且極曾遍優渥爲通

年所彌宇沛而霽

皇太后至寧壽宮侍

鳳輦銀花度

今晨恭奉

宴適祥

雲飛集尤深欣悅

龍樓玉蝶翔軍書頻報捷

連日軍營屢報捷音今早阿桂

麻寺殲其助惡大頭人當噶拉阿納木等官兵直抵噶拉

依四面圍定索諾木及莎羅奔弟兄並黨惡賊目俱在圖

中即日便當掃蕩擒 農諺幸徵穰遇順益知慎蒙

萬年觴

初七日

公偕豐昇額明亮海蘭察額森特奏言查賊會索諾木弟兄及作惡頭人均在噶拉依官寨自必嚴

密圖困使其萬難軼出始可設法俘擒臣海蘭察

同福康安曾爾曾額爾特等帶兵拏卡直至河沿

以截噶拉依之右派烏什哈達由噶拉依官寨正

山腿拏卡逼近據噶拉依之上臣額森特等帶兵

攻克喀爾巴寨後又將附近寨落九處攻克焚燒

直至河沿以截噶拉依之左兩翼卡柵之外復接

拏營卡以爲兩層堵截其鄂碩覺十寨以南山梁

前派侍衛訥松額等帶兵駐守今於二十二日晚

富德處遣舒亮帶領漢土官兵數百名前來卽令

於訥松額等所駐之地駐扎至臣明亮西岸沿河



一帶業已聯絡營盤卡座嚴密防堵

臣

阿桂豐昇

額復派兵從右手過河於拉古爾對面山腿多拏  
卡座以爲聯絡而左手一面西北兩路官兵亦俱  
合圍如此層層圍定賊人斷無從偷越第恐賊人  
從水路順流逃竄

臣

等又於噶拉依官寨上游下  
游飭令將領等緊貼水面以竹索藤繩合力趕造  
浮橋橋兩邊各築卡座派令勇幹官兵日夜巡查  
防守賊人非但不能乘坐皮船而逸卽欲赴水自  
盡而順流至此亦可攔住是水陸俱斷布置已極  
嚴密再

臣

阿桂等先經分派官兵太果木肯嶺斯

尼固達扎克角功噶爾拉喀爾薩爾以及鄂碩覺  
十寨一力掃除各寨番人早已望風投順而臣明  
亮河西一路及富德一路各番衆亦俱歸誠恐後  
現在金川全境業已底定惟餘噶拉依巢穴自歸  
掌握至河西一帶臣明亮現令舒常同奎林和隆  
武於喀爾巴對面山上山下分駐官兵嚴加防範  
外卽於二十四日來赴西路合力圍攻並與臣阿  
桂豐昇額等商辦一切惟查噶拉依礪寨高堅其  
旁寨落尙多賊酋率其同惡於此死守稍俟用礮  
轟殘自不難於掃蕩但從索隆古而至噶拉依計

程幾及百里山路崎嶇險仄且積雪凍凝舊有大礮難以拉運現在趕運礮料上緊鑄造此兩三日造礮之隙令逆酋之母阿倉及堪布喇嘛等招令賊酋兄弟來降如其果能生致俘擒檻送以歲大功更爲妥善否則俟大礮造成兩三位卽竭力轟摧亦可計日克取奏入

諭曰阿桂等奏官兵已將金川全境掃平現在四面攻圍噶拉依巢穴覽奏深爲欣慰並閱進到地圖賊境礮卡寨落均經大兵剿洗所餘惟噶拉依叢爾彈丸不及已得地百分之一自可卽日掃蕩是征勦金川之役已屬

歲功又據稱賊酋索諾木弟兄及作惡頭人均在噶拉  
依官寨今經嚴密圍困斷難復行軼出便可設法俘擒  
且據索諾木之母阿倉姑阿青及其姊妹均已來營投  
降更不虞索諾木等尙懷觀望所有渠兇黨惡自必卽  
行擒縛馳遞紅旗褒績酬勲宜頒渥典將軍阿桂盡誠  
體國不憚艱勞制勝運籌克成偉績實爲此事首功前  
曾賞戴雙眼孔雀翎並於攻勒烏圖時賞用紅寶石帽  
頂茲著加恩封爲頭等誠謀英勇公並賞四團龍補褂  
金黃帶以昭崇獎副將軍豐昇額明亮抒誠勵勇協力  
宣勞亦堪嘉尙豐昇額本襲公爵復加賞繼勇名號著

再賞一等子暫令伊弟布延達賴承襲俟豐昇額生子後仍令其子承襲布延達賴現係藍翎侍衛今既承襲子爵著授爲三等侍衛明亮著封一等襲勇伯參贊大臣海蘭察每遇摧堅奪隘無不鼓勇先登實爲超衆者加恩封爲一等超勇侯以示優異參贊大臣額森特領隊大臣奎林和隆武福康安曾爾曾均各奮勇出力茂著勤勞額森特著賞給一等男奎林本係公爵著加賞一等男卽令伊子承襲和隆武本係子爵著晉封三等果勇侯福康安著賞給三等男所有伊原襲伊兄福靈安之雲騎尉著福康安之次子豐伸果爾敏承襲曾爾

曾著賞給三等男豐昇額明亮海蘭察奎林和隆武仍各賞戴雙眼孔雀翎共昭榮獎所有此次恩賞世爵世職均著世襲罔替至應予錄叙之將士並各項應予議叙議賞之官員人等及應行諸典禮均俟紅旗馳遞到日再降諭旨

公又偕豐昇額奏言索諾木之母阿倉姑阿青及僧格桑之妻得什爾章並索諾木之妹得什安木楚四名均至大營據阿倉等供稱索諾木年小因聽信頭人慫恿致干

王法今我等業經投出若差人前往曉諭他們想必出

附錄卷一  
來等語查噶拉依官寨大兵四面圍攻尅期可得  
但大功告歲當以生縛逆酋獻俘

闕下爲至要今阿倉等偷生投誠倘能因其母以致其  
子亦係辦理之一法查跟隨阿倉等出來之喇嘛  
噶布則向爲逆酋弟兄所信現已准阿倉等所請  
遣伊前往噶拉依諭令出降而危巢破在旦夕賊  
酋等亦斷不能別施狡獪伎倆

公又偕豐昇額明亮奏言西北兩路大兵自攻進  
賊巢以來番衆望風投順爲數甚多此等助逆番  
人直至力屈勢窮始行投出嚴辦固無足惜但此

時若畱在大營俟至軍事全竣請

旨後再爲查辦則時日有稽且應多兵防範所有現在應  
撤官兵亦不能及早全撤更滋糜費臣等此時辦  
理投出番衆其大小頭人等畱在大營均有將備  
弁兵看守俟事竣分別辦理至番衆內稍有可疑  
可惡情節現卽隨時正法斷不肯稍存姑息餘俱  
分別安插綽斯甲布韋布什咱梭磨卓克采從噶  
克丹壩明正木坪布拉克底巴旺鄂克什瓦寺十  
二土司地方其各土司又分安各寨各有頭人爲  
之管束勢散力孤實可無虞生事且均有冊檔可



稽將來卽有另辦之處亦無難查辦均奏入

諭曰阿桂等奏索諾木之母阿倉及其姑阿青并伊姊妹帶領從人喇嘛等於十二月二十日到營投降並准阿倉所請差人往諭索諾木出降因母以招其子實亦誘擒生致之機若逆酋等果皆投出自更爲省力佇盼紅旗旦晚卽至又另摺覆奏籌辦投出大小頭人及番衆一節所見亦是卽照阿桂等所請行至捷音到後卽應

祇請

兩陵并告功

闕里原擬於謁

陵禮成卽行郊勞再舉東巡現已擇於二月初九日啟鑾  
爲時甚近將士凱旋未必能如期適至且番境初平其  
善後事宜應辦者甚多均關緊要亦須阿桂親爲經理  
方覺妥善今定於謁

陵後卽奉

皇太后聖駕巡幸山東計回鑾約在四月十五日以前由  
寶稼營登陸經南苑新衙門至黃新莊路亦近便阿桂  
等於大功告成卽將善後事宜妥爲料理帶應行郊勞  
之將佐京兵等酌量日期起程於四月十五日以前至  
黃新莊以備勞還大典實屬兩便將此傳諭知之

初十日

諭曰阿桂著加恩賞用紫韁

十一日

公偕豐昇額明亮海蘭察額森特奏言

臣

等先准

阿倉阿青等所請遣喇嘛前往噶拉依曉諭賊酋  
兄弟等投出茲於二十八日莎羅奔岡達克來至  
大營臣等詰以大兵業已如此合圖死亡在卽何  
以索諾木尙不親詣軍門據莎羅奔供稱昨日我  
母親阿倉打發喇嘛進來我兄弟商量因我居長  
是以叫出來求將軍大人恩典容我與母親商量

再差人去叫兄弟們出來至向來所做不法之事  
俱因我兄弟年幼聽信頭人之言如今悔之無及  
等語臣等思此時賊人力竭勢孤斷無所施其狡  
獪伎倆現將岡達克等嚴密拘留小心防範至噶  
拉依礪寨高堅官兵斷不能硬撲而入以爲手縛  
逆酋之計現因礪位難以抬運另行鑄造而自索  
隆古以至大營山路崎嶇險仄冰雪凝結卽鑄礪  
物料亦不能迅速運來是以僅成大礪一位三四  
日內又可鑄成兩三位如逆酋索諾木等尙復潛  
藏死守亦不能久爲等待轉使多延殘喘臣等當

督官兵合力轟摧自可立時掃蕩再查山塔爾薩  
木坦其妻子先於西路投出臣等查該犯所居寨  
落本在阿爾古地方諒必於河西藏匿當卽派令  
漢土官兵沿山搜捉隨經綽斯甲布土舍綽爾甲  
木燦及頭人溫布於二十六日在獨松箐林內擊  
獲經舒常解送河東臣等查山塔爾薩木坦爲金  
川助惡重犯自應同在獻俘之列現在嚴加看守  
俟擒獲索諾木弟兄一併檻送到京

公又偕豐昇額明亮奏言竊大兵四面攻圍噶拉  
依業經層層布置所餘兵衆不必存駐以省糜費

臣等公同酌議將西安滿洲兵一千四百餘名分爲三隊令副都統書麟先撤分作三日頭隊於十二月二十八日起程荊州滿洲兵一千七百餘名令公興兆繼撤此二項應撤官兵移咨總督富勒渾文綬轉交沿途官員照例辦理均奏入

諭曰阿桂等奏莎羅奔岡達克來至大營供稱欲見其母再叫人往喚兄弟們出來現將岡達克等嚴密拘留小心防範等語所辦甚是索諾木勢已窮感經其母差人招諭尙不卽時出降僅令其異母之兄至營探試甚爲可惡此必丹巴沃雜爾等狡謀以噶拉依運貯糧食頗

多可供番衆餬口尙思觀望支吾苟延殘喘且冀抵禦  
日久使官兵糜耗軍糈或希將軍等惜費解圍彼復得  
逞其伎倆則令我多費軍儲亦可稍釋其憤恨看來賊  
智必不出此兩者因思阿桂等業將賊巢嚴密圍攻所  
帶現兵已足敷用且各處後路俱係將軍等一例掃淨  
即可無煩多兵分布守卡此時自應量爲裁撤茲據阿  
桂奏已將西安兵一千四百餘名荊州兵一千七百餘  
名交書麟興兆各自分撥帶領先行撤回辦理極爲妥  
協至其餘各省調到之綠營兵大率守卡者多亦當擇  
其中不能攻戰僅堪分守者酌量陸續減出卽以所節

之糧供我存兵之用更覺充裕於蔽功全局尤爲有益  
阿桂等當卽妥酌而行又阿桂奏現在鑄成大礮一位  
三四日內又可鑄成兩三位自應上緊轟摧使其無堅  
可恃卽或參用招誘之法亦不宜稍懈攻打庶賊衆驚  
慌窘迫利害相權或可冀其乞降免死此乃一定之理  
想阿桂必能見及也至山塔爾薩木坦係助惡要犯必  
須獻俘誅磔今綽爾甲木燦溫布將伊搜縛甚屬可嘉  
應卽酌加獎賞以示鼓勵至攻得舍齊雍中兩寺俱有  
喇嘛投出此等皆曾爲逆酋念經之人斷不可仍畱該  
處致番衆等心存希冀潛滋事端况此輩在營非若壯



夫之可以出力隨攻又毋庸藉其招致逆犯畱之亦屬無益應將所有喇嘛卽用檻車拘解送京并派委員沿途嚴密管押勿稍疎虞

正月十三日

諭曰阿桂自攻圖噶拉依以來賊衆尙敢護死抗拒實爲可恨昨逆酋雖將莎羅奔岡達克遣其來投尙係異母之兄不甚愛惜是以令其先爲嘗試看來逆酋等之敢於聚衆久拒必因該處早經運貯糧食藉以支持但思圖中不能不資水日用其向西臨河一面已經官兵圍截賊衆斷不能復向河邊運取其圖中卽或有井亦未

必足敷飲吸自係將大河之水引以供用因閱阿桂前  
日進到地圖其大河之南有支河一道經得什科爾之  
地賊番自必資藉此水其水或係大河分流或自夾巴  
寨流出歸於河內未能遙揣但河口近接官兵喀爾巴  
浮橋而自夾巴塞至莫克巴塞一帶久經攻克安營此  
兩處皆官兵力所能及若能設法截住上游使番衆無  
所供汲勢必自潰似屬攻圍上策阿桂應卽妥速酌辦  
時軍機大臣等奏言前議將軍阿桂凱旋官兵合  
由河南行走今准阿桂等咨稱從山西柏井驛至  
恒山中間祇添獲鹿井陘兩站若從豫省則多備

二十八站仍以由晉省爲便應請將直隸山西二  
省經由調撥各事宜交直隸總督周元理山西巡  
撫巴延三妥協預備

上從之

十七日

諭曰吏部尙書員缺著阿桂調補並協辦大學士事務

公偕豐昇額明亮海蘭察額森特奏言查大兵四  
面合圍層層嚴密噶拉依旦夕可破但賊酋賊目  
雖已萬無可延必期全獲生致獻俘更爲盡善今  
岡達克已經俘獲伊復與伊母商量求卽差人前

去諭令索諾木等出來當卽於初三日用阿倉阿青岡達克圖記寄信諭索諾木等言汝等不肯出來不過因無詞免罪若將小金川頭人七圖甲噶爾思甲布七圖阿申及張坤忠等綑縛親身同頭人前來獻出金粟從前抗拒大兵皆係此數人唆使汝兄弟及頭人自可免罪等語卽遣伊涅爾巴勒爾赤亞魯及額魯喇嘛前往官寨索諾木等閱過書信傳與各頭人閱看丹巴沃雜爾卽說若將七圖甲噶爾思甲布等獻出伊等豈肯無言必將實情供出我們仍不能免罪這不過哄我們的話

索諾木彭楚克說母親大哥書子難道叫我們出  
去受罪想是替求恩典了土司頭人散後索諾木  
彭楚克同甲爾瓦沃雜爾任在一房喇嘛額魯夜  
間又去見伊二人據二人說前日原想要跟大哥  
出去因爲胆小遲疑未能去得如今我們被頭人  
把持住了想不能與母親哥哥再見面說畢痛哭  
第二日午刻忽然聽得官兵開礮各頭人就將稟  
帖交與勒爾赤亞魯賚送出來臣等詳加譯出原  
稟內稱我們弟兄五人已令長兄莎羅奔出去他  
自然備細稟求大人們轉求

天皇帝施恩准我土司兄弟仍在噶拉依居住算個頭人  
若是不准求把我們屍首畱在噶拉依官寨等語  
伏思<sub>臣</sub>等初意所以從阿倉阿青之請合其差人  
往諭逆酋兄弟者因是時大礮既難抬運且又路  
長山險連日大雪卽趕辦鼓鑄尙須數日仍於此  
際可以設法生致賊酋賊目方爲全美是以從權  
辦理今賊酋等死亡在卽猶爲此狡獪之詞冀延  
時日更屬可恨可惡看來索諾木兄弟本係庸懦  
無能頗有欲投之意只因從前賊酋等肆行不法  
原係賊目等爲之主持今賊目等明知賊酋一出

必盡歸罪於頭人伊等斷難倖逃誅磔因而從中  
挾制使其不能投出現在大礮先已鑄成一位轟  
打於本日復鑄成一位而臣明亮富德處亦各運  
到大礮各二尊來至噶拉依現已四面力摧若再  
鑄礮合轟不過數日間官寨卽成整粉臣等察看  
情形設法辦理總期一併俘擒檻送

公又偕豐昇額明亮奏言查湖廣官兵所有前此  
派來之第二三起一千二百餘名可以酌撤臣等  
卽合總兵仁和帶領起行至此後西北兩路綠營  
兵內有多餘可撤者卽隨時辦理不使壅積滋費

均奏入報

聞

十八日

諭曰正紅旗滿洲都統員缺著阿桂補授

二十三日

公偕豐昇額明亮海蘭察額森特奏言查噶拉依  
左手寨落甚多前次大兵初到時雖經搶佔焚燒  
而臣額森特現在駐兵圍困之處相距官寨尙隔  
有大寨五處賊人猶死力拒守臣海蘭察駐營之  
處由山腿迤邐而下亦尙有大石卡二座堵禦臣



等公同酌議左手五處寨落已漸轟打殘損若能  
搶佔則移礮進轟官寨更爲得力當於初七初八  
兩日臣額森特派兵分攻而富德舒常處亦遣兵  
從西南合力夾攻雖搶得一礪因其餘各寨均在  
田勸之上賊人鎗石緊密佔據無益旋卽拆毀至  
從烏爾納營盤右手小山腿而下亦有賊卡二座  
初八日晚合烏爾納等帶兵攻得一卡接拏木棚  
運礮轟打第二卡相機搶佔至臣海蘭察初七日  
率同福康安烏什哈達瑚尼爾圖等分兵三道從  
左手山峯而下先將大石卡一座攻得其下山包

上大石卡一處爲賊人衛護取水之路尙復死守  
不去初九日復發兵攻得並搶獲火藥鎗刀甚多  
查此處與官寨更近已移礮往轟不但官寨勢益  
窘迫而賊人取水更難臣等詢之投出各番據稱  
大礮打入之處兩三層高厚礮牆俱經穿透其被  
礮轟擊而死及因寨牆坍塌爲石壓死者頗多現  
在索諾木不敢復住礮樓已於樓下第三層牆垣  
較厚之處躲避又因官寨立於石峯之上不能創  
窰將口袋裝盛土石四面圍繞遮護查噶拉依層  
層圍困賊已逃死無門而偷生惜命復不能引決

自裁現在三路所運大礮日漸增多晝夜轟摧自  
可相機俘獲再番人等至此時始行出來已不得  
謂之投順臣等除將婦女俱賞給出力土弁外所  
有男番悉行殲戮卽喇嘛班第爺不稍爲寬宥奏  
入

諭曰日來盼望紅旗甚切今阿桂等奏到連日攻打噶拉  
依情形一摺據稱海蘭察率同福康安等分兵從左手  
山峯而下攻得大石卡一座又將其衛護取水之大石  
卡一座亦經攻得賊人取水更難其地與賊巢甚近移  
礮往轟賊勢當益窘迫等語攻之自易爲力指日便應

掃穴成功尤爲盼望又據奏投出男番四十餘人悉行  
殲戮卽喇嘛班第亦不稍爲寬宥此等賊番至此時始  
行投出其罪實無可赦但現在攻圍賊巢甚急蟻衆驚  
慌無措脫出求生若知卽在軍營正法勢必裹足不前  
或將應辦之人押解成都正法亦屬便宜或仍遣歸巢  
令將賊酋逆黨縛獻賊酋等聞之必不相容自將若輩  
寘之死地更使衆番不知我翦除羣醜之計不致阻其  
來投之路自更妥協此旨發到軍營計大功早應告歲  
設或尙未辦完續有投出之番人將軍等當照此旨酌  
量妥辦又

諭曰閱阿桂進到攻圍噶拉依情形圖內官兵四面布圍  
固屬周妥惟舒常營盤尙在河西卡倫之外仍覺稍遠  
何不移至沿河卡邊用礮夾河轟擊更當得力又烏爾  
納營盤東北之官兵營卡距賊巢亦遠何不移過河溝  
於硃筆圈識處駐扎使礮轟賊寨更爲切近其餘有應  
移近者並著將軍等照此妥酌辦理

公偕豐昇額奏言自迷輸喇嘛色納木瓦爾不投  
出之後又有堪布喇嘛色納木甲木燦及噶布珠  
雍中朋喇嘛隨同阿倉等投出此三喇嘛內惟堪  
布喇嘛歷據番人供稱挾其邪術肆爲咒詛兪德

愚土司抗拒大兵情罪最爲重大其迷輸喇嘛雖未聞教唆土司頭人作爲不法然係金川有名之大喇嘛不應仍畱番境而噶布珠雍中朋本係德爾格忒喇嘛曾在綽斯甲布地方居住嗣經金川請來念經畱任雍中寺內亦無別項可惡情節但伊所收徒弟卽係金川之人自應一併解京臣等遵奉

諭旨卽派護軍叅領新達蘇等將此喇嘛三名及其徒弟三名解赴京師再查甲壘土司一帶地方曾經受戒稱爲喇嘛者甚少今除此三名外其徒衆十餘

名均係班第沙彌容臣等續行解赴成都交與文  
綏合其卽於成都喇嘛寺內安插以資管束奏入

報

聞

諭曰前據將軍阿桂等奏官兵攻剿金川將賊犯悉行掃  
蕩僅餘噶拉依賊巢通計不及百分之一現在水陸圍  
攻爲掃穴擒渠之舉計日可以獻俘闕下原擬俟露布  
馳聞舉行告功大典茲復據阿桂奏連日將噶拉依緊  
要礮寨節經克獲並斷其水道兼用大礮轟擊摧其垣  
壁殲賊甚多且索諾木之長兄岡達克及其母阿倉姑

阿青等並倡謀助惡之大頭人山塔爾薩木坦達什阿  
庫魯雍中旺爾結等數犯現在拘獲在營可舉獻俘之  
典至蟻衆聚於一窟苟延殘喘實同釜底遊魂無從他  
竄擒捕亦屬非難惟能將逆會索諾木逆黨丹巴沃雜  
爾俱生致解京自爲盡善卽或賊會等勢迫自戕亦可  
俘馘同獻是蕩平金川大功業已全定更無俟馳報紅  
旗今諷吉於二月初九日啓鑿先謁

東陵再謁

西陵山達集熱忱悃禮成回至南苑恭奉

皇太后聖駕由桐柏村登舟巡幸山東由德州遵陸掖



輦展謁

岱廟祇遶

慈鑾卽詣

闕里告成瞻禮仍於濟寧由水程回鑾計當將士凱旋之  
期舉行郊勞以彰定武鴻勳所有應行一切典禮各該  
衙門照例敬謹預備

二十四日

諭曰前曾傳諭阿桂侯軍務全竣後帶領凱旋官兵於四  
月中旬至黃新莊備行勞還之禮茲朕祇謁

兩陵恭奉

皇太后巡幸山東告成

關里由濟寧登舟回鑾按程站計之應於四月二十七日  
駐黃新莊二十八日舉行郊勞大典二十九日獻俘凱  
宴阿桂等掃穴擒渠之後於一切善後事宜更可從容  
辦理行程亦屬寬裕

二十八日

公偕豐昇額明亮海蘭察額森特奏言十三日晚  
間索諾木彭楚克同大頭人達爾什桑卡爾雅瑪朋  
阿庫魯來至寨外一併解送大營臣等詰以索諾  
木甲爾瓦沃雜爾斯丹巴因何尙不自縛來營請

罪據索諾木彭楚克供我弟兄們原知在寨內必死出來尙有一線生路且知道我母親哥哥並未害性命實在皆願出來但丹巴沃雜爾阿木魯綽窩斯甲尼瑪噶喇克巴等恐我兄弟出來說出實情俱必不能活是以不許我們實在不得自由十四日岡達克及索諾木彭楚克同懇請差賞給翎頂之僧格爾結前往噶拉依官寨催捉出來賊酋等始稱定於次日出降及至十五日又稱索諾木實因害病就是莎羅奔甲爾瓦沃雜爾亦患痢疾不能出去等語查索諾木竄伏官寨已成網魚豈

兔今雖節次俘獲岡達克索諾木彭楚克兩人而  
索諾木終爲頭人所制匿而不出官兵深爲切齒  
當卽傳令四面開礮轟打不但日間並未歇手卽  
夜間亦乘月色環擊官寨牆垣孔穴甚多賊人已  
不敢稍露踪影查臣海蘭察處因所得右手石卡  
相距官寨甚近是以移礮往轟幾於發無不中惟  
臣額森特處因左手山腿第二石卡未得所用礮  
位尙不能如右手之得力但此第二石卡因有在  
後五寨爲之聯絡賊人鎗礮環施是以攻而未得  
今臣等察看地形若使虛實並用抄截其後攻打

其前亦不難奪獲現於日內奮力攻搶一得是卡則其下雖尚有石卡兩處亦易爲力從此橫截而下不獨賊人五寨均攔截在外而移礮以轟官寨更爲切近奏入

諭曰阿桂等奏索諾木彭楚克及大頭人達爾什桑卡爾雅瑪朋阿庫魯三人續經到營覽奏稍慰看來賊勢已極窮感今既四面用礮合轟自可尅期蕩事至逆酋索諾木等始稱於十五日出降繼復托病不出甚爲可惡阿桂等雖稱其爲頭人所制每日遷延然逆酋當此危迫之時如果尙知畏懼亦何致不能自主卽或丹巴沃

雜爾等從中把持亦無難將梗阻之人一併擒縛率衆  
速出請罪今仍詭語遲延竟是索諾木稟性兇頑至死  
不變實堪切齒現既用礮轟擊自即可削平賊巢諒此  
輦釜底遊魂必當同就擒獲檻解獻俘迅速集勲奏凱

二月初一日

公偕豐昇額明亮奏言查三雜谷綽斯甲布丹壩  
鄂克什木坪瓦寺霍爾綽窩各土司土舍俱已不  
傳而至親自來營請安賀禧而明正布拉克底巴  
旺土司土舍亦續卽前來內除綽斯甲布梭磨卓  
克采從噶克四土司未經出痘布拉克底係齋子

不能步履巴旺係土婦難以進京外餘如木坪鄂  
克什丹壩各土司均已束裝預備綽斯甲布三雜  
谷布拉克底巴旺亦派出土舍頭人預備隨往無  
不歡欣但番人深畏內地交熱今若令隨同官兵  
於四月望前抵京其歸途正當五六月天時交熱  
倘有事故轉不免指爲畏途其未來者亦恐心生  
疑慮莫若俟至十一月初間令本省提督派出諳  
練之將領等由成都帶領起程於年前到京則彼  
時正值入

覲之各蒙古及土爾扈特王公扎薩克併回城大小伯克

等俱集京師在各土司等得見王會輻輳既使其  
益生震疊而輪班之王公伯克等又見各土司新  
赴

關廷益知無遠不服之盛於撫馭番衆似更有益奏入

諭曰阿桂等奏各土司頭人於年前到京入覲所見甚是  
其應行入覲之土司統俟阿桂辦理善後事宜酌定如  
何分班照回部輪流入覲之例與外藩等同與朝正仍  
知會沿途督撫一體照料

初七日

公偕豐昇額明亮海蘭察額森特奏言二十二日



夜臣額森特等分兵三路合投番作爲前隊並派  
舒亮彰靄那木札烏爾納各帶兵分攻賊寨左手  
之兩寨賊人抵死拒守未能卽克臣等公同酌議  
賊寨東北有水溝一道從夾巴寨流出溝上之寨  
名木工寨若從烏什哈達駐營之地順山腿而下  
取木工礮寨拏柵佔據不但溝東山腿上兩石卡  
死守無益而離官寨東門不過一箭之地移礮往  
轟更爲得力且噶拉依與得什科爾等寨相通之  
路亦不能往來卽於二十五日夜派烏什哈達等  
帶領漢土官兵突前攻搶攀越而入將木工礮寨

攻克其附近石卡四座亦俱克取現在督令兵丁  
趕拏木柵運礮轟摧而額森特等處現又從扎木  
什克接拏木柵以斷東面各寨一經得手則噶拉  
依賊寨更孤而臣等各路大礮又復晝夜轟擊自  
可尅期掃殄

公又偕豐昇額明亮奏言綽窩土司彭楚克拉布  
坦於正月十五日親自來營並稱如各土司進京  
入

親懇請隨同瞻仰

天顏查綽窩係霍爾部落距邊外較爲篤遠自用兵以來

該土司派出土兵於草布什咱一帶隨同官兵駐守又派烏拉運送軍糧茲又懇求入

覲具見效順之忱現在擬派進京者均係甲壘土司今綽窩土司首先自請實可令霍爾各部土司聞風興起臣等業已賞給花翎俾衆共知鼓勵均奏入

諭曰逆會當此窮蹙之時尙敢負隅抗拒實爲可惡阿桂等惟當一意轟擊賊巢速期摧破毋致羈延又阿桂奏綽窩土司彭楚克拉布坦願隨各土司入覲番衆之性不耐炎熱所有輪班入覲之土司等已許其十一月起身於歲內到京綽窩土司亦應一例妥辦

公又偕豐昇額明亮奏言據賊會合頭人阿木魯  
綽窩斯甲將賊會張坤忠送出查此時務在尅日  
洗蕩賊巢卽索諾木兄弟再有一二人出來亦尙  
不得完事今僅將張坤忠獻出於事仍屬無關緊  
要至張坤忠係應送京要犯茲派出副將普吉保  
等解赴京城奏入

諭曰張坤忠以內地兵丁甘心投降賊番爲之助惡自應  
解赴行在嚴審治罪著傳論文綬卽速檄飭川省委員  
沿途小心管解遄程行走

初八日

諭曰昨據阿桂等奏逆酋將張坤忠縛獻止令散番送至營門其頭人阿木魯綽窩斯甲總在官寨相近不肯遠離等語甚屬可惡賊番等詭詐百出總難深信今將張坤忠送出其心未嘗不知畏懼現在官兵奮力用敵轟擊逆酋自當窘迫或率其弟兄頭人等詣營請罪乞降亦未可定但恐其投降時隨行人衆內暗藏袖鎗施放圖逞奸謀所關匪小不但將軍參贊等當加意慎防卽領隊大臣等亦不宜稍有疎忽從來受降如受敵業經屢降諭旨將軍等自當凜遵但恐正當大功告成之時將軍等或因其率衆出降遂爾稍涉大意朕偶計及此

甚爲懸注

十二日

公偕豐昇額明亮奏言

臣

等督率各路官兵將噶

拉依賊寨四面設卡掘濠擊柵轟礮合力圍攻其

官寨均經摧塌官寨外各寨落又經節次攻取惟

餘扎木什克寨尙在死力拒守

臣

等督令官兵攻

打益加緊急賊酋慌窘無計初三日令其心腹頭

人拉布咱僧格來營乞命而拉布咱僧格亦自懇

恩投降免死

臣

等合投番侍衛穆塔爾密諭以汝

等必當有自効出力之處方能免罪拉布咱僧格

去後

臣

等旋令官兵預備候至未刻扎木什克各

卡賊衆情形稍覺散亂

臣

海蘭察額森特均卽帶

兵直下

臣

富德舒亮亦帶兵過河各寨賊人望見

兵威壯盛出寨跪降其餘抗拒者皆被官兵殲獲

所有扎木什克及山腿上卡座暨緊貼官寨西北

一面散寨均經官兵佔據並將官寨東山溝取水

之處佔住截斷是晚各領隊帶兵齊至官寨牆下

四面圍定賊人仍於寨內徹夜叫稱索諾木明日

出降至初四日早索諾木跪捧印信帶同伊兄弟

莎羅奔甲爾瓦沃雜爾斯丹巴伊妻布拉克底土

女得爾日章並大頭人丹巴沃雜爾阿木魯綽窩  
斯甲尼瑪噶喇克巴並都角喇嘛聶壘喇嘛及大  
小頭目男婦老幼二千餘人出寨乞免誅戮臣等  
派領隊大臣舒亮保寧官達色巴克坦布等將官  
寨嚴行看守另行派員查點外其帶出之番衆二  
千餘名亦派合幹練鎮將分別查照辦理伏查金  
川逆酋窮兇極惡久爲西南邊外之患實屬神人  
共憤今其全家母子兄弟悉就俘擒而助惡著名  
之大頭人亦概行擒獲無一遁逃藏匿非但漢土  
官兵驚喜歡呼咸謂出於意外臣等前此亦未



敢必其全數生擒此皆仰賴

皇上威福上邀

天祐是以蕙功完善至於如此謹將攻克賊巢俘擒賊酋之處恭馳露布以

聞奏入

諭曰今日正當祇謁

東陵告功回桃花寺駐蹕適阿桂等所奏紅旗遞到此實

仰賴

皇祖默佑是以捷報不期而至朕回鑾至圓明園卽啟程

展謁

西陵禮成恭奉

皇太后巡幸山東告成

關里計四月二十六日至黃新庄於二十七日舉行郊勞大典著傳諭阿桂令其約計程期在軍營起身與豐昇額海蘭察額森特福康安普爾普等同來至明亮已授爲該處將軍毋庸來京並著阿桂於富德舒常內酌畱一人同明亮辦事其餘領隊大臣侍衛等應帶何人同來應畱何人分帶後隊凱旋兵丁並著阿桂酌定此次平定金川皆阿桂一人功績深堪嘉尙茲班師在邇特解親御黑狐腿黃馬褂先行隨報賞賜又

諭曰阿桂等奏報攻克噶拉依賊巢全境蕩平俘賊同獻  
紅旗於二月初四日自軍營馳發今於二月十二日未  
時遞至桃花寺行在沿途僅行八日實爲迅速所有賞  
遞紅旗之兵部員外郎六十五著賞戴花翎其辦理台  
站馳遞文武各員均屬可嘉著該部查明同兵部捷報  
章京各員一併議叙並先行賞給緞疋其各站差弁兵  
夫並著該部查明照例議賞

恭錄

御製詩

將軍阿桂奏報攻克噶拉依賊巢紅旗報捷喜成凱

歌十首

甲午桃花寺蹕停軍書正此俯窗櫺

甲午春恭譔東陵駐蹕桃花寺會

有嶺蹕往來呈眼底頻望軍書  
俯窗櫺之句今果喜符佳讖

幸哉今日仍憑處綠柳中

飛一點星

勅圖報捷夜行營

八月二十三日夜重值上

陵書返程

二月十一日

一刻萬人齊喜色光明日月永銷兵

三穴猶延一月餘

阿桂等於臘月十九日進兵合圍賊巢  
距今二月初四報捷計四十餘日賊雖

負隅死守然官兵奮勇攻剿  
大礮環攻蟻眾豈能延抗

六軍奮勇豈饒渠周遭火器

熾攻處早爛區區釜底魚

旬餘棧驛八朝至

軍營六百里加緊文報約計十一日始  
至此次二月初四所奏紅旗於十二日

未時遞到僅行八晝夜可謂迅速因降  
旨將臺站官弁兵役交部議叙議賞

一片旗紅萬馬飛

夾路羣番喜且懼國之慶也國之威

險惡山川靖梟獍邪深機阻絕根株從今番部都安堵強

食奸欺自此無

促浸逆賊意在蠶食鄰封欲圖吞併今經掃蕩殲除諸番從此可以安享太平矣

蠶叢絕險隱妖氛百戰功成古未聞鑿鼓冬冬聲凱獻羌

兒稽首送將軍

堅碣林立萬重山破險衝鋒歷盡艱奏績都資將軍力紅

旗一道入桃關

姜維征處號維州豔羨戎人謠語留

維州唐所置以地爲姜維屯壘而名昔吐

番佔得其地號爲無憂城大肆侵掠番人蓋習聞而欣羨之是以有捨至維州橋之謠今金川全境削平安營設鎮

皆爲內地信可  
謂之無憂矣

今日勒圍爲內地無憂城果是無憂

所捷經冬復入春垂成偏覺意厯頻今宵料得方安枕明  
告慎哉用武人

流離此日穴巢傾耆定從茲可罷兵歌凱莫教容易聽五  
年功幸一朝成

恭錄

御製文

平定金川勒銘噶拉依之碑

向不云乎弗加征而自臣屬謂之歸順始逆命而終徠服  
謂之歸降若今索諾木之窮威率弟兄出碣獻印不但

可謂之歸順卽歸降亦不可得而方彼其抗命相拒歷五  
年之長茲已密圍巢穴火器圍攻腹心潰內羽翼失傍軍  
初圍巢穴蟻衆猶負隅抗拒我軍用火礮四面環擊賊自  
揣力不能支日形窘迫先是逆酋之母姑姊妹情急來投  
自請遣人回巢招諭索諾木乃遣其兄阿達克彭楚克以  
次詣營懇求皆就拘繫其黨惡之布籠普阿納木等先後  
求降山塔爾薩木坦等並經擒獲於是進圍益急賊勢日  
蹙官軍復推其近礮斷其水道番衆懼紛紛潰出索諾  
木遂幸其兄弟莎羅奔甲爾瓦沃雜爾斯丹巴及兩土婦  
並助惡之大頭人丹巴沃雜爾阿木魯綽窩斯甲尼瑪噶  
喇克巴偕兩喇嘛挈屬二千餘人逆酋跪捧  
印信羣泥首乞命由是罪人斯得懺悔奏凱方將劔砮搜  
穴利斧其吭生擒亦易旦夕滅亡乃始匍匐請命又安得  
比之肉袒牽羊噶拉依者蓋其世守官寨故多深塹高牆  
我師萬層險歷千戰威揚譬之大木已盡去其枝葉則根

本亦可待其立殭然而逆賊有言官軍若至當毀其重器聚族焚而自戕使果如所云則雖獻馘蕝事終不如生獲盡美盡善之慶是蓋兇渠罪大惡極而且貪生苟延以致獻俘闕下明正典刑於是疆界厥地屯戍我兵鎮羣番而永靖樹豐碑以告成功歲在丙申仲春日吉時良

十三日

諭曰朕因兩金川以內地土司敢作不靖暴侮鄰疆亦謂蠻觸相尋番人常性不值勞師涉遠屢經該督提戒諭斂輯乃野性難馴反復違約甚至狼狽爲奸負恩反噬非復可以口舌化誨此而不懾以兵威大示懲創則懦



弱之士司幾無以自存且逆酋平日有搶至維州橋之  
謠若聽其鴟張肆橫久之必至擾及內地何以綏靖邊  
圉惟當掃滅叛番以圖一勞永逸否則後患滋深此朕  
數年來不得已而用兵之苦心也茲將軍阿桂統率將  
士不憚艱勞殫心謀畫我八旗勁旅奮勇爭先漢土各  
兵有所效法亦皆踴躍用命兩金川之地遂以次蕩平  
逆酋兄弟及黨惡之大頭人等現皆擒獲俘獻露布馳  
聞大功全蕺從此卽於其地設鎮駐兵番境寧謐各土  
司得以永慶安全此皆仰賴

上蒼默佑

宗社鴻庥朕喜慰之餘倍深敬畏所有一切郊勞獻俘事  
宜及功成應行典禮著各衙門查例具奏並將武成原  
委宣示中外知之

十四日

諭曰此次平定金川大功告成自應照從前平定準噶爾  
回部之例於紫光閣圖畫功臣像掄其功績最著者爲  
前五十功臣朕親製贊並錄其較次者爲後五十功臣  
著大學士于敏中等擬贊紀實銘勲用昭褒寵前此以  
大學士忠勇公傅恆居首此次禪誠宣力百戰成功實  
爲將軍阿桂一人之力自應列爲首功其餘將佐候朕

另行定次以示覈實酬庸之意

恭錄

御製贊

平定兩金川五十功臣像贊

有序

金川旣平定圖功臣像於紫光閣序而贊之一依伊犁回部之例其故其義前序言之詳矣茲復何言而不能無言者誠以諸臣宣力攄猷或定策於樽俎之間或衝堅於石矢之隊且捐軀盡節者指不勝屈寧忍令泯沒無聞而弗壽厥儀表彰厥名聲者哉夫用兵蓋難言之矣無應機之謀無識人之鑒而徒俾推轂是藉寇兵而齎盜糧也溫福

之債車朕深引以爲愧而阿桂終能集事朕又畧因解嘲  
至於午夜廢寢當食忘飧吁亦勞矣夫無此勞而徒曰有  
兵有將汝其爲我征伐則真窮兵黷武而付其天下之成  
敗於不問者朕弗爲也觀此序者或諒朕非窮兵黷武之  
爲幸何如之冀何如之而朕之子孫尙以佳兵爲戒苟不  
得已而用之必深體此序之意弗以冒昧行焉則我大清  
億萬年無疆之休基於是矣前圖逮今甫十六載事故過  
去者卽十分之九爲之愴然而後生疊奮繼前人之光爲  
國家之用林林源源以出因又爲之慶矣其兩被圖形如  
阿桂之倫豈非德業之光輝人臣之厚幸而較衛霍英鄂

之流更爲榮遇超越乎

定西將軍一等誠謀英勇公協辦大學士吏部尙書

阿桂

西師參贊經歷多年茲爲巨擘掄掌兵權

西師之役阿桂爲參贊大臣著

有勞績因其嫻習軍務特授爲定西將軍統兵勦兩金川阿桂承命以來籌畫盡心不憚艱險用能掃蕩賊巢俘擒逆黨大勲克集實爲首功錫爵誠而有謀英弗恃勇集衆圖形優加章服懋昭酬庸之典

出奇成勲克鞏

十七日

公偕豐昇額明亮奏言逆酋索諾木及其兄莎羅奔岡達克索諾木彭楚克甲爾瓦沃雜爾並大頭

人丹巴沃雜爾阿木魯綽窩斯甲山塔爾薩木坦  
尼瑪噶喇克巴達什阿庫魯均係應行獻俘之犯  
臣等遵

旨令內大臣戶部侍郎福康安督率火器營翼長訥音並  
健銳營火器營官兵一百人將賊酋賊目及隨從  
散番八名並通事人等於二月初六日自軍營押  
解起身再在省監禁之韋布什咱土舍雍中旺嘉  
勒亦應獻俘之犯而前年獻出之僧格桑首級並  
當獻馘卽令福康安一同押解進京其索諾木之  
幼弟斯丹巴與其母阿倉姑阿青其妻布拉克底

土女得爾日章其姊僧格桑之妻得什爾章及索諾木所生子克窩拉柱甲木楚女阿桑二名暨都角喇嘛聶壘喇嘛另爲一起派副都統德赫布等卽於初七日緊接押送進京其大頭人布籠普阿納木布籠普佔巴布籠普溫布甲爾瓦沙巴租普達什色格桑達什溫布策旺達什桑卡爾雅瑪朋阿庫魯等八名及其家口三十八名又爲一起派副都統珠爾格德等初八日押解起程此外尙有應行送京之頭人家屬臣等按照人數陸續分起解送奏入報

聞

三月二十六日

公偕豐昇額明亮富德舒常奏言各土司感

恩出力並著勤勞自應於事竣時優加賞賚其歷年出力之屯土各弁并已賞頂戴之降番頭目亦當一併加賞臣等公同商酌計各路十二土司並土舍頭人等七十餘名屯土各弁投番頭目等四十餘名皆視其出力之多寡分別酌賞銀兩臣等不揣冒昧作爲

恩旨傳諭當衆面爲賞給各土司頭人等皆望



關謝

恩祇領歡呼感忭奏入

上嘉之

公又偕豐昇額明亮奏言前此各路官兵打仗其  
滾崖落水及受傷未獲屍身者不敢以陣亡具報  
臣等亦以

國家卹典所關不得不爲慎重遇有此等未明者令  
各營存記俟蕩平後彙查今賊境已犁並無此項  
官兵其爲均已殞命更無可疑應仰懇

聖恩補予卹典至此此外或如砍伐木植遞送文報因公被

掠似應減半予卹他如放馬割草私出被遮雖均殞身賊境而情節不同似應於減半之中再爲減半予卹奏入

上勅部議奏旋經兵部奏覆應如所奏辦理

上從之

三十日

諭曰前經軍機大臣議覆定西將軍阿桂籌辦善後事宜案內令於大功告成後特設成都將軍一員駐扎雅州統兵鎮守節制綠營並於兩金川之地安設營汛移駐提鎮以資控馭今兩金川全境蕩平卽應駐設所有成

都將軍員缺卽著明亮補授一切移駐滿兵事宜及兩  
金川設鎮安營諸事統令阿桂會同新設將軍及該督  
提等妥議具奏

四月初一日

諭曰乾隆十三年平定金川後特頒詔諭一道用清漢西  
番三樣字繕寫發往訓諭各土司今大功告成宜仿照  
前例獎諭訓勉現已繕就清漢字詔諭其西番字令章  
嘉胡土克圖繙譯仿照十三年舊式繕寫三樣字勅諭  
一道卽交兵部發遞川省軍營如阿桂尙未起身進京  
交阿桂辦理如已起程卽交明亮遵旨通行曉諭

皇帝詔諭四川各土司曰兩金川與爾等同爲內地服屬  
土司曩因小金川爲金川侵擾摧殘特興師征討莎羅  
奔耶卡窮感乞命宥不加誅理應感激悛改曾未十年  
耶卡卽與鄰境土司構釁滋擾彼時因其與各土司不  
過微隙相爭尙無大損亦遂釋而不問耶卡旣死其子  
索諾木等濟惡益盛與僧格桑狼狽爲奸蠶食鄰邦志  
圖吞併僧格桑攻圍鄂克什總督提督親往訓諭陽雖  
受約陰竟抗違索諾木復乘隙殺害韋布什咱土司佔  
其境地負恩反噬各修礮卡抗拒官兵此而不聲罪致  
討殄滅揜誅則爾等土司懦弱者將無以自存而犷悍

者必致效尤滋甚王法尙安在乎特命定西將軍阿桂及副將軍參贊大臣等統率八旗勁旅分路進兵兩金川以次削平巢穴僧格桑早伏冥誅索諾木兄弟及助惡之大頭人現俱擒獲解京獻俘備受極刑寸磔梟示此皆逆酋等罪惡貫盈孽由自作實爲覆載所不容而鋤強誅暴掃蕩蠻氛俾爾衆土司得以安居樂業久無侵擾危迫之虞此朕數年來不得已用兵之心也今於兩金川之地設營駐兵合提督統兵分守並於近邊添設將軍控馭以保衛爾各土司使長享太平之福此又朕善後之殷懷也爾土司等年來出力隨征共効恭順

甚屬可嘉已節次加恩獎賞並命照回部之例輪班入  
覲除土婦及土司中之未曾出痘不能至內地者毋庸  
輪班外其餘土司頭目俱按應行入覲之期合於冬間  
由將軍總督提督等照料進京俾之隨班朝賀瞻仰受  
恩爾等並得身受寵榮增長聞見豈非爾等之大幸歟  
至爾等崇尚佛法崇奉喇嘛原屬番人舊俗但果秉承黃  
教誦習經典皈依西藏達賴喇嘛班禪喇嘛修持行善  
爲衆生祈福自無不可若奔布喇嘛傳習咒語暗地詛  
人本屬邪術爲

上天所不容卽如從前鄂克什土司因有詛咒鎮壓僧格

桑之事屢經兵革若非大兵救援幾至滅亡又如索諾木令都角堪布喇嘛等咒詛將軍大臣今大功告成將軍大臣等班師奏凱受朕重恩而索諾木等及所用之喇嘛等俱解京共受重罪均不能保其軀命咒詛之不足信欲害人而適以自害更顯然可見矣爾衆土司當從此悔悟永爲鑒戒共秉誠順之心永荷安全之慶不亦休哉其各凜遵毋忽特諭

公偕豐昇額明亮舒常桂林奏言查此時駐兵仍應佔據形勢雍中喇嘛寺建於瀕河低下之地南北兩山對峙其上鎗礮皆屬可及實非應行駐兵

之所止可酌派兵丁看守爲堆貯糧石之用奏入  
報

聞

公又奏言查舒常與明亮久在一路情性相得此  
時明亮奉

旨授爲成都將軍所有料理善後事宜自應酌畱舒常以  
資仗助之益至大功已蕆明亮定邊右副將軍之  
印應於臣進京時一同恭繳其明亮此時文移來  
往所需印信舒常處現有

欽差大臣關防可卽交與明亮爲暫時辦事之用俟新鑄



四川將軍印信

頒到再行更換奏入報

聞

公又偕豐昇額明亮奏言查湖廣陝西綠營官兵業已全數撤回所遺甘肅雲貴官兵尙共有一萬五千餘名臣等已將西南北三路甘省官兵五千六百餘名分爲十一起合總兵斐慎等帶領陸續啓行撤回甘肅所餘西寧鎮標官兵一千八百三十餘名亦隨即酌撤其貴州官兵四千七百六十餘名分爲五起合總兵特成額等分帶起程雲南

官兵三千八百八十餘名分爲三起合總兵劉國樑等分帶起程總計至本月初八日甘肅雲貴官兵均可全撤至三路四川官兵共有一萬四千餘名應留新疆者不過六千餘名其餘亦當酌撤臣等已交與明亮桂林侯各省官兵撤後分別應留應撤妥協辦理奏入

上嘉之

公又偕豐昇額明亮奏言查土婦扎什納木前於掃蕩噶喇依賊巢時投出臣等擬卽遵奉

諭旨遣令仍回韋布什咱俾其母子完聚至伊子諾爾布

湛都爾雖年僅十四實爲該處頭人番衆歸心所  
有韋布什咱土司自應合其承襲其土司印信先  
爲金川奪去現於噶拉依官寨內創得應交與諾  
爾布湛都爾祇領今衆土司均在此間伺候送臣  
等起程而扎什納木與諾爾布湛都爾尙在大營  
若於衆土司之前給與印信使目擊我

皇上與滅繼絕之深仁更足生其悅服當於二十七日陳  
設印信傳集扎什納木母子並韋布什咱各頭人  
宣示

諭旨令其祇領扎什納木母子再三叩頭感激流涕卽各

土司見之無不咨嗟悅服奏入報

聞

公又偕豐昇額奏言伏查大兵進剿有自行投出及被拘留之番衆其送在成都暫時安插收禁者此時自宜分別辦理如金川番人內彤錫一名於三十七年三月內帶其妻投在西路軍營業蒙

恩賞銅頂嗣因其不能得力遣回成都今應將伊夫婦送京居住其餘於三十七年卽行投出及四十年投出後家口爲逆酋所害者均應交明亮桂林等酌量分在兩金川地方令其屯墾其於三十八年投

出者應分給附近土司收管安插至四十年內因官兵四面圍困始行投出除監斃外未便仍畱本土自應解京分賞又小金川番人於三十七年爲賊酋赴南路投稟者除當經解京及監斃外亦應一併解京分賞奏入報

聞

公又偕豐昇額奏言臣等至成都將應入凱宴官員兵丁酌分四隊稍爲更調除奎林和隆武仍帶頭隊於三月十五日起程外額森特帶第四隊官兵於十七日起程臣阿桂豐昇額應辦事務今已

完竣臣豐昇額帶第三隊官兵於二十一日起程  
臣阿桂帶本隊官兵於二十四日起程其入宴人  
數現今造冊送軍機處辦理奏入報

聞

初三日

公偕豐昇額明亮奏言霍爾章谷納林沖孔撒三  
土司懇請同甲壘土司一體進京叩謝

天恩查此三處雖未隨軍打仗然派令土兵在韋布什咱  
甲魯一帶防範賊人已經數載且各派烏拉挽運  
軍糧亦爲恭順出力所有霍爾章谷納林沖孔撒

土司似應照綽窩土司之例給與花翎頂戴再韋  
布什咱土舍諾爾布湛都爾年雖十四現回韋布  
什咱管理地方據土舍頭人稟稱附近各土司均  
賞戴翎枝獨諾爾布湛都爾無翎不足以彈壓衆  
人請將大頭人達爾給等打仗奮勇所得之翎擲  
給諾爾布湛都爾頂戴等語情詞甚爲懇切臣等  
相商一併賞給花翎俾知

天朝厚恩有加無已益足以深其感激奏入報

聞

初四日

公偕明亮文綬舒常桂林奏言准軍機處原議令  
新設將軍移駐雅州府但查川省將軍總督同駐  
省城原所以便籌商而重節制若兩地相懸遇有  
緊要番情不獲立時商確倘意見參差往返咨詢  
更稽時日况現在滿兵三千每名家口卽以七八  
人計算已共有二萬數千人所需衙署兵房卽爲  
不少而雅城倚山面河地勢逼仄難容挈眷之衆  
滿兵似宜仍駐成都毋庸移動又川省向設四鎮  
四協惟西南北一帶均屬番夷而成都距邊甚近  
是以總督副都統提督均於成都駐扎已偏在西



北一隅今將提督移至美諾雖居甲壘土司之中  
若以霍爾各土司境地論之仍屬偏於東界而東  
界夔州一帶則已有三千餘里其距川北永寧亦  
爲遙遠查提督原係專轄通省綠營有簡拔考核  
將領弁員之責若移駐美諾則耳目難周轉屬鞭  
長莫及且旣移提督必得一標四營全行移往自  
未便令其單身長戍若概行攜眷亦勢有所難查  
綠營兵丁原可隨宜居任非若滿營之必聚一處  
必另一城者可比今雅州城外尚有田地若於城  
外度地蓋房使綠營官兵散布而居未爲不可是

提督尚可移駐雅州毋庸移於美諾至金川地方  
在在山巒間隔應於分設小金川兵二千名之外  
再於各標協營內酌留兵四千名以資分駐并現  
在屯兵內再酌留五百名以供差使其金川所有  
應安小汛並卽於附近分駐各營中酌量抽撥安  
設此內舊有賊酋官寨之處地土亦尚稍寬自美  
諾而外如小金川之底木達布朗郭宗金川之噶  
拉依勒烏圖三處酌設副將二員叅將一員均歸  
美諾所設總兵管轄至小金川地已瘠薄而金川  
更屬崎嶇磽确且兵丁旣經移駐各有差操等事

臣等悉心核計授田伊始應將兵丁三人共給與地畝一分大率兩人當差一人耕種計一人所耕足供兩人之食現在所餘運出兵糧共有七萬餘石初辦屯墾時先給爲各兵口食一面官辦牛具籽種但必令兵丁攜眷來居始堪永久查建昌松潘維州等處兵丁地連番境男婦皆能習勤若如有情願挈眷來居者照烏魯木齊兵丁搬家之例酌量官爲資送其初至時照舊於應得錢糧之外給與鹽菜口糧俟墾種已成再行停止至兩金川設兵旣屬無多而移駐降番亦爲有限倘再有餘

地當於雜谷腦五寨屯兵內遷移五百餘戶視地方之寬窄以定居人之多寡此外地土如再有餘查雜州保縣一帶地瘠民貧婦女皆來營貿易其內本係番人居多應行招來開墾兵丁如有缺出並於番人內召募充補至番地雪大風高若照內地建蓋房屋不能經久均應分建大小礮寨以資官員兵丁居住再官兵雖有屯種米糧其外如鹽茶布棉之類皆爲日用急需聞小金川納木覺爾宗一帶向出些少土鹽番人尚有能熬煎者應試辦可得鹽若干其不足之數同茶布等項每年官

爲運辦數次各按物件核計成本定價銷售又兩  
金川地方雖設有鎮將彈壓而屯種收糧等事仍  
須文員經理臣等旋即於同知佐雜內派委三年  
一換如於屯墾事宜實心奮勉卽以應陞之缺奏  
請卽陞以上各條臣等公同酌議竊謂辦理此事  
必應如前此伊犁屯墾之法逐漸試辦以次擴充  
尤在董率大員通盤籌畫及承辦之文武各員相  
其土宜因其日用織悉周備庶可爲一勞永逸之  
計奏入

上命原議大臣速議具奏旋經軍機大臣議言均應如所

奏辦理惟打箭爐不產米穀每年所資兵米必須於三百里外清溪縣之漢源街購買非如泰寧協所距出米之地較爲近便伏思打箭爐爲臨邊緊要之地其原設之阜和營遊擊不足以資彈壓是以原議請改設副將惟期體制合宜原不在多添兵卒况該處辦理米折既覺費力自應量爲調劑祇應將泰寧協副將移駐打箭爐改爲阜和協其兵數仍照阜和營原額分爲協標左右兩營毋庸增添其阜和營遊擊卽移駐化林坪改爲泰寧營所有兵額仍照原數則營協體制既屬合宜而兩

處兵數均毋庸移改尤爲妥便其省城滿兵亦毋庸更議增添至稱將軍雖駐劄省城遇有邊外夷情不論文武官員均當分報將軍與總督提督會商酌定之處查前經奉

旨以新設將軍駐邊內彈壓固足以震懾諸番但所設之將軍若不委以事權於地方文武不令其統屬考核仍與內地駐防將軍無異自應令成都將軍兼轄文武除內地州縣營汛不涉番情者將軍毋庸干預外其管理番地之文武各員並聽將軍統轄凡番地大小事務俱一稟將軍一稟總督酌商妥

辦所有該處文武各員陞遷調補及應設都司二員駐兵七百名噶爾丹寺設遊擊一員守備一員駐兵三百名茹寨設叅將一員守備一員駐兵四百名馬爾邦設遊擊一員守備一員駐兵三百名增達設守備一員駐兵三百名其中應設小汛卽各於所安兵內抽撥安設償拉共安三千名於美諾設總兵一員遊擊一員都司二員守備三員駐兵一千名底木達設都司一員駐兵五百名大板昭設守備一員駐兵三百名僧格宗設叅將一員守備一員駐兵五百名翁古爾壘設守備一員駐



兵三百名約哨設都司一員駐兵三百名明正章  
谷原設防兵應添足一百名酌派千把一員駐防  
其應設小汛塘遞卽各於所安兵內抽撥安設臣  
等按圖詳核其布置均屬妥協再每年需鹽菜銀  
七八萬兩應照原議於江浙等省均勻酌裁將來  
俟番民樂業後再行酌減其湖南省亦有苗疆毋  
庸裁減以上各款伏候

命下行知該將軍等一體遵照議上

諭曰軍機大臣覈覆阿桂等議奏兩金川善後事宜摺內  
所有番境應設綠營兵六千五百名歲需屯墾鹽菜銀

七八萬兩請於江蘇安徽浙江江西湖北山東河南山西等腹內省分酌減名糧抵補一款尚未妥協朕平定兩金川不惜七千餘萬帑金原爲綏靖邊圉一勞永逸之計何靳此七八萬鹽菜之需况江浙等省營分雖居腹地亦有差操防汛之事若酌減名糧於各該省兵丁生計殊屬有礙自可毋庸裁減所有川省歲需屯兵鹽菜之費著該督文綬卽於正項內動支至番地初定新設營汛全資將軍控馭彈壓自應令將軍每年至兩金川新設營分巡查兩次副都統亦當每年巡查一次將所有滿兵輪派隨往庶駐防兵丁常得演習勤勞卽緣

營官兵亦知所觀法餘依議

公又偕明亮文綬舒常桂林奏言查兩金川番人雖多頑悍然因有兇惡頭人爲之指嚙是以敢爲不法今所有投番皆係節次攻勦殲戮之餘久知大兵利害而其投出之大小頭人臣等已遵

旨將本人及家屬節次解赴京師已不患其滋事且又於先降頭人內擇其出力可信者爲之管領又有官兵彈壓稽查更無虞稍有不馴查小金川屯田事宜除美諾底木達布朗郭宗大板昭以及南路之僧格宗翁古爾壘約咱章谷等處請照臣阿桂前

議各就所駐官兵授地耕種外其別斯滿一帶與雜谷腦境地相接從前已議改土爲屯應卽令雜谷腦屯弁阿忠保於此住居管轄其汗牛一處三十七年冬間大兵一抵美諾卽已全寨投降而兩年以來飭令明正土司派出頭人權爲管理人戶尚屬完整今亦應於歷年出力之屯弁內揀派分段管束改作屯兵其美諾相近之帛噶爾角克及薩納木雅地方本係頭等侍衛穆塔爾所管之地伊在營出力多年此一帶可耕之地令其管理降番屯種其宅壘頭人安本係三十七年卽經投順

人在南路亦爲出力卽令管理宅壘屯墾所有別  
斯滿汗牛及穆塔爾安本等所管降番均照屯兵  
一例辦理至金川地方除官兵耕種之外查什爾  
德頭人丹比西拉布章雜寨頭人得洛思達拉均  
於上年七月內官兵未克勒烏圍之先卽領全寨  
歸誠屢在前敵打仗又達爾卓克寨頭人色木里  
雍中雖在官兵已得索隆古之後始行投出然彼  
時官兵未抵其寨而該頭人卽已率六寨番民同  
時投出因得以勢如破竹直抵噶拉依其在北路  
之投降頭人霍爾甲等打仗亦爲奮勉此等頭人

所有家眷番眾擬分安於金川河東河西與官兵相錯而居並遵

旨一體酌給牛具籽種俾得及時種藝但此時屯種之初仰懇

聖恩姑免其租賦俟三年後均照屯練納糧之例交官以佐兵食於邊儲更爲有裨奏入下軍機大臣議行公又偕豐昇額奏言臣等前奉

上諭合將歷次出力攻克地方繪畫戰圖以傳永久業經繪出攻得羅博瓦喇穆喇穆色湖普三圖進

呈今復將攻上邁過爾以至掃平噶喇依其中力戰奮攻

之處分作九圖仍每圖隨以節畧恭

呈

御覽奏入報

聞

初十日

諭曰朕於本月二十七日由黃新庄行宮御龍袍袞服乘  
十六人金漆亮轎用騎駕鹵簿導至郊勞臺其大駕鹵  
簿卽於郊勞處排設所有隨從郊勞之王公大臣俱穿  
蟒袍補褂禮成後仍乘十六人金漆亮轎騎駕鹵簿及  
鑾歌樂導至行宮用膳更衣隨從大臣官員及凱旋將

軍大臣官員等亦俱更換行衣隨從朕由行宮乘八人  
轎至趙新店頭分尖營換車所有二分尖營著移設於  
廣寧門關廂外其騎駕鹵簿卽先赴彼處豫備朕至二  
分尖營後仍乘八人轎用騎駕鹵簿導引進宮大駕鹵  
簿宮內無庸再設再禮部奏請在京王大臣官員等於  
二十六日至初一日此五日穿蟒袍補褂朕於二十七  
日進宮所有隨駕之大臣官員等著於二十八日至初  
一日穿蟒袍補褂

諭曰協辦大學士尚書公阿桂著仍在軍機處行走並著  
紫禁城內騎馬又



諭曰阿桂旣已賞給寶石頂四圍龍補褂金黃帶令其服用著再加恩賞穿四開襖袍

二十五日獻金川俘馘於

廟

社兵部率解俘將校押俘會索諾木莎羅奔岡達克索諾木彭楚克甲爾瓦沃雜爾逆目山塔爾薩木坦布籠普占巴雅瑪朋阿庫魯並逆會僧格桑誠函由長安右門入進

天安右門至

太廟街門外嚮北立候告祭大臣至押俘嚮北跪置僧格

桑毓函於地告祭大臣進

太廟行禮畢兵部率解俘將校押俘至

社稷街門外押俘仍嚮北跪告祭行禮如前儀

二十六日

上駐蹕黃新莊定西將軍阿桂副將軍豐昇額等振旅凱

旋詣

行宮恭請

聖安

賜將軍以下至官兵等膳

二十七日

上自行宮啟鑿幸良鄉城南行郊勞禮正南爲壇壝上左

右列燾

上龍袍袞服騎駕鹵簿導行將至壇軍士鳴螺饒歌樂作  
將軍副將軍暨參贊領隊侍衛官兵戎服跪迎

上登壇拜

天自將軍以下及在京王公大臣皆隨行禮

上御黃幄將軍副將軍等率眾三跪九叩禮畢復趨至  
御座前跪行抱見禮

上撫勞之傳

旨賜坐將軍以上坐西幄在京王公大臣坐東幄

賜茶畢禮部堂官奏禮成馬上凱歌樂作

上還行宮

賜將軍參贊隨征將士等宴王公大臣咸與又

賜將軍阿桂御用鞍馬各一宴畢

上還宮

恭錄

御製詩

於郊臺迎勞將軍阿桂凱旋將士等成凱歌十首

郊臺仍是此郊臺何幸重逢盛事來漫謂數年經契濶精

神注似日相陪

勳臣率拜列靈旗

郊勞之儀陳將軍參贊等得勝獻於臺上朕親率成功將士及王公大臣等行

禮是時臺下鳴

軍士鳴螺赫武儀樂奏饒歌行抱見

拜獻禮成

螺饒歌作樂

御幄次將軍參贊趨至座前行抱見禮各

詰戎

加撫慰賜坐賜茶猶循

祖宗家法也

家法萬年垂

己巳班師本受降

非擒賊滅寇故未行郊勞之典

庚辰郊勞典鴻龐放牛

歸馬予素志凱獻何期此見雙

準部回城定五年金川小寇亦如前嘉予將士久敵愾不

覺對之增慄焉

地險加之衆志堅

促浸逆賊恃其地險礪堅蟻衆齊心抗拒其事雖小於平定函域而逐步力戰

而得攻勦之間視

林礪步步戰而前小於西事難過倍慰

前不啻數倍過之

矣恆同意惘然

鑿穴而居避火器終於面縛出蕃城官軍圍攻賊巢用大

鑿地而匿以避燄火今鼠窟垂破逆酋膽落計窮因率其

兄弟甲爾瓦沃雜爾斯丹巴并其兩土婦及助惡大頭人

丹巴沃雜爾阿木魯綽窩斯甲尼瑪噶喇克巴暨兩喇嘛

並大小頭目二千餘人出寨跪捧印信乞免誅戮遂悉就

擒貪生螻蟻固如此聚族將焚語豈誠先是投出番眾愈

若官軍攻至巢穴窘迫無計即相聚焚死不肯爲官兵所

得彼時即以番人之性最忌自戕不過故作妄語欺飾以

圖狡脫屢諭將軍等嚴防今果不出所料

倏經於彼五春秋棧道崎嶇似坦郵棧道雖險較之夾路

花紅復柳綠阿誰致悔覓封侯

脫却戎衣換吉衣龍章示獎特恩稀郊勞時將軍等俱甲

阿桂實爲此事首功特賜四團龍補以示優異同心戮力  
暹掄最便解天閑賜六飛將軍阿桂及副將軍豐昇額參贊海蘭察等並賜御用鞍馬乘

行以啓  
兵洗金川永不波潢池跋扈竟如何良鄉近遠多黎庶歡

喜都來聽凱歌

凱歌亦豈易爲聞五歲辛勤勞衆軍我實未曾安五夜幾  
多憂虞與平分

又

諭曰禮部所奏二十八日受俘儀注將軍等應入於百官  
班內在午門前行禮但將軍等於郊勞及凱宴兩次俱

有行禮之處受俘時將軍及自軍營回京之在御前乾清門行走者俱著扈從登午門樓不必入班行禮止須令福康安帶領押俘將校等在午門前行禮

又

命藏將軍阿桂等所用得勝靈纛九杆於紫光閣武成殿二十八日

行受俘禮侍郎福康安率押俘將校以俘會索諾木莎羅奔岡達克索諾木彭楚克甲爾瓦沃雜爾山塔爾薩木坦布籠普占巴雅瑪朋阿庫魯等并逆會僧格桑誠函豫埃於午門外之西鏡歌大樂



金鼓全作

上龍袍袞服御午門樓王公百官朝服侍班侍郎福康安  
率押俘將校行三跪九叩禮畢押逆會索諾木等  
北向跪伏置僧格桑馘函於地兵部堂官跪奏平  
定兩金川生擒逆會索諾木等並獲逆會僧格桑  
首級謹獻闕下

命交刑部刑部堂官跪領

旨押俘自天安門出王公百官行慶賀禮禮成

上御瀛臺親鞠俘囚索諾木等罪狀

命刑部將索諾木莎羅奔岡達克索諾木彭楚克甲爾瓦

沃雜爾山塔爾薩木坦皆寸磔鼻索諾木等併懸  
僧格桑首於市

上御紫光閣行飲至禮

賜將軍副將軍暨參贊領隊乾清門侍衛等及與宴之王  
公大臣列坐閣內從征官員列坐階下左右幄內  
上親賜將軍副將軍等卮酒奏凱宴樂各番人以次歌舞  
畢退

賜將軍幣六十端銀六千兩其副將軍以下各有差

恭錄

御製詩

二十八日紫光閣宴成功諸將士有序

績宣西楚洗兵波靖金川凱叶南薰賜宴筵開紫閣旋  
蹕舉勞還之典昨朝纔解征衣御樓受俘獲之儀詰旦  
全陳繫組念徼外棧穿冰雪瘁以五年指壁間米聚山  
川成於百戰功宜懋賞允茲晉爵加章實稱循名遂爾  
圖形系贊繫此日同堂之愷樂酬諸臣歷歲之蓋誠酌  
酒親頒一醕霑殊非易承筐共拜千緡賚亦奚多撫陳  
迹以增懷難忘視昔幸後來之繼踵益勉從今六章詎  
曰後文億載願言偃武

己巳班師原赦罪

己巳之秦凱非受降乃赦罪彼乃所屬  
土司逆命則討之服罪而赦之安得與

外夷相提並論

丙申凱宴倍成功樊崇甫以十年叛

郎卡白赦

謂之受降哉

罪之後未及十年即侵擾隣境念

番俗構爭乃其常事遂置不問 莽布奚當六戰雄鷲食

狼貪終弗改鷄連鯢取孰矜窮五年宵旰勞西顧幸覩酬

### 勲禮樂融

郊勞昨還曉受俘禮應凱宴答功膚修儀偃伯斯宜矣夜

雨朝晴有是乎

二十七夜半後快霽渥露未曉而霽夜

紫

閣貌圖俾績顯金卮手賜按名呼

宴間召將軍阿桂豐昇額參贊海蘭察額森特

領隊大臣奎林和隆武福康安普爾普並擇其餘勞績茂

著之人及軍機大臣舒赫德于敏中福隆安等至座前親

賜卮酒以 鋌瘢著處恫關切念此何堪耀武吾

美諾重征得重易勒圖多戰倍多勞

初攻嶺拉雖經歲始平及收復美諾諸境

則未旬日而蕞事至促浸則層層險阻賴阿桂不憚艱瘁將士奮勇宣勞每因難以奏績前後不啻百戰詎予隴蜀無已望念彼孽芽有藉薶資哩卡丫消雪窟木思西里化冰槽而今都是光明境屯戍相將事桔樺

上將歸來是近臣

阿桂豐昇額俱軍機大臣兼領侍衛內大臣其餘亦在御前乾清門行走者多

國朝

家法萬年循解兵笑彼一杯酒示澤欣茲滿座春夷樂寧

須闢僭侏俘歌合此奏單振

阿桂等所俘番童有習鍋莊及斯甲魯者即番中雜戲也

亦命陳之宴次鴻勳集矣雨暘若祇恐驕生志倍寅

紫光閣峙液池邊爲寫戰圖廊展前

紫光閣壁間舊列西師戰圖已滿昨歲展

拓前楹以備繪金川戰績命將軍等具稿以進擇其事最大戰最偉者繪之

幸矣竟如操左券

嘉哉所賴掌中權揚威擣險重無藉橐劍弋弓合有然五  
載劬勞信不易一爲歡喜一爲憐

伊犁回部早成勲又勒畫圖新舊分詎我佳兵不知戢奈

其伏莽敢忘勤索諾木濟其父惡蠶食鄰封與僧格桑狼  
狽爲奸背恩反噬不得不聲罪致討今幸

成功而追憶艱險不啻痛定之恩矣頻思舊績翻因戚多出翹材總以欣平

伊犁回部時所繪一百功臣今存者不過什之一二撫念  
慨然今所繪功臣中世家子弟及新進之人頗不乏翹材

則又爲之湛露采薇重賦罷益欽保泰敢云云欣幸云

二十九日

上奉

皇太后幸寧壽宮侍早膳

皇太后賜凱旋將軍阿桂副將軍豐昇額及有功將校並  
軍機大臣等食賞賚有差

恭錄

御製文

平定兩金川告成太學碑文

太上立德其次立功又其次爲立言而德與功皆賴言以  
傳言之無文行而不遠文之時義大矣哉然傳德之辭直  
而寡傳功之辭費而多直而寡者不因文而德自見二典  
三謨經世立教是也費而多者必因文而功乃明周誥殷  
盤佶屈聱牙是也吾嘗讀韓昌黎平淮西碑益恣此言之

不爽何則彼其藩鎮乃家奴之類愆愆因循以致宛成敵國削而平之是宜引以爲愧而不可炫以爲功賴昌黎之文幾與江漢常武同稱者定然有識者固知其辭費而多飾而未知憲宗之愧與弗愧耳今之平定金川之文不有類於斯乎解之者曰逆酋羈縻徼外非若淮蔡之居中土元濟之爲世臣也吾則以爲旣已受職爲土司則是我臣而其地近接成都遠連衛藏則是我土我土我臣而橫生逆志蠶食鄰封將欲大有所爲弗勦而滅之則西川將不能安枕茲雖蕞事與平定淮蔡擒吳元濟何以異故宜引以爲愧而不可炫以爲功者以此金川之始見於己巳告



成之文茲不複記記其復叛而復征則其隱謀負恩已自  
戊寅年始蓋戊辰之師實緣其跳梁不靖而師既臨境彼  
卽窮感乞降遂以赦罪班師甫十年而其酋耶卡卽與草  
布什咱構讐又四年遂與綽斯甲布及三雜谷爲敵而逆  
子索諾木兇悖益甚自恃地廣人衆力强與各土司構兵  
訖無寧歲故各土司皆畏之如虎而以勢分力散又莫能  
如之何余以爲業已受其降不宜復加兵且蟻鬪蠻觸不  
足以勞王師因命地方文武大吏隨宜彈壓令弗越內地  
界亦足以安民而示度耳不虞地方大吏欲息事而每示  
寬逆酋轉以爲無足懼而日益逞其小金川逆酋格桑

者始則與索諾木水火相仇繼乃狼狽爲奸於是索諾木

計殺韋布什咱土司色楞敦多布取其印勅以歸而僧格

桑亦侵佔鄂克什地界且發兵圍其土司色達拉官寨期

於必取總督阿爾泰提督董天弼知事不可掩乃有發兵

之請是役也或咎阿爾泰依違誤事之過而余則以爲阿

爾泰之過皆余之過蓋金川因其地險衆悍久蓄異志是

以有殺至維州橋之謠維州本漢徼外羌冉駹地蜀將姜維征羌駐此築壘後因各爲姜維

城唐武德初因其地置維州屢叛屢復廣德中陷吐蕃號

爲無憂城遂累入寇擾大中時始復內附五代蜀州內徙

改縣曰保寧宋景德初改曰威州元至元間以州治保寧

縣並入明洪武初於州境析置保縣本朝雍正五年省威  
州入保縣屬茂州今其地尚有維州橋之稱而促浸番人  
以殺至維州橋播爲謠曲似係聞吐蕃舊事妄希效尤耳

則其不忘內地情率可知戊辰之役我師深入屢勝卽不  
宜舍其罪而受其降此一誤也甫十年而耶卡偕恩作亂  
以及逆子踵其蹟皆不及發兵問罪惟令地方大吏隨宜  
處置又屢誤也以至尾大不掉終於興師故予不咎人之  
議爲窮兵黥武而轉咎已之類於姑息養奸蓋中國之制  
外域張撻伐則彼畏而斂跡主和好則彼輕而生心漢唐  
明之覆轍率可鑒也若謂予窮兵黥武則予賴

天恩平伊犁犁定回部拓疆二萬餘里豈其尚不知止足而  
滅蕞爾之金川以爲揚赫濯紀勲烈之圖哉雖然平伊  
犁定回部其事大矣然費帑不及三千萬成功不過五年

茲兩金川小寇地不逾千里人不滿三萬戶而費格至七  
千萬成功亦遲至五年則以跬步皆險番奴効命死守故  
得延至今日而我將軍阿桂立志堅定決策明敏兩副將  
軍及參贊領隊諸臣同心合力各軍士敵愾奮勇經大小  
數百餘戰而後成功視平伊犁定回部費力不啻倍蓰設  
非

天恩助順衆志成城則金川未易言滅而國威或致稍損  
矣是不可以不記觀斯文者當諒予懷慚悔過之不暇知  
非稱功詡德而爲言其庶乎繫之以辭用誌始末云爾

小金首禍曰價格桑兵救鄂什

向稱沃日今定爲鄂克  
什急呼之則鄂什也

竟

抗顏行

僧格桑於庚寅夏與鄂克什土司構怨稱兵阿爾泰董天弼親往戒諭奏稱逆酋遵教退歸亦遂釋

而不問

未數月復圍鄂克什辛卯夏阿爾泰乃遣兵護鄂克什而逆酋亦遂與官兵交戰督臣提臣每

事遷就

知弗勝任將軍別授阿爾泰等名為進兵仍思遷就完事因諭溫福由滇赴川

經理軍務

且命桂林馳往視之辛卯冬因阿爾泰始終遲疑玩誤遂罷其職而以溫福代為大學士授定邊將軍由

西路督兵

進剿其四川總督則攻破巴朗向訛為班直取

令桂林代之

統兵攻剿南路

達圖進抵

資哩數月克之兩路夾擊遂得美諾鼠竄狼奔

金川助惡

溫福初至西路即策勵將士攻克巴朗拉乘勢直取達圖進攻資哩數月而克之繼命豐昇額

為參贊

同溫福進剿賊尋退還木蘭壩我兵進抵路頂宗桂林在南路其始頗合機宜連破約咱卡了諸寨并復草

布什咱

侵地尋為宋元俊所誤致有墨壘溝之失桂林匿

不上聞

為阿爾泰所劾因即罷斥而合阿桂以參贊馳赴

南路代領

其兵南路自達烏至僧格宗皆峭壁懸崖礪卡

麻立阿桂

董飭官軍奮勇摧堅深入其阻乘勝進搗美諾

賊巢壬辰十一月遂克之溫福亦攻克明郭宗至美諾與  
阿桂會復督兵攻取布朗郭宗逆酋由僻境竄入金川擒  
其父澤旺解京乃傳檄撫定汗牛大板昭等寨落小金川  
悉平而金川逆酋索諾木復敢黨惡抗命因移兵並剿之  
既平償拉小金川番遂討促浸即金川番語名雪多境險奏功以

沈奏功以沈賊更遮邈綠營怯懦遇戰辟易攻勦促浸之功

噶爾拉阿桂由當噶爾拉分兩路並進功噶爾拉山頂上

了口賊築礮斷徑不能進遂別由昔嶺繞攻而礮堅地險

兼多雨雪攻之半年雖屢得賊卡終未扼其要害緣營旗

兵既懦恣溫福又不善調度以二萬餘人散布各卡防守

遂以分而見單賊窺其罅隙於癸巳六月遣番眾數百由

間道潛出煽誘償拉降番復叛董天淵庸懦失守為賊所

戕賊益猖獗擾溫福後路直侵大營緣營兵眾先潰將領

戰沒者多溫福幸親兵與賊搏戰亦遇害償拉之地復失

逆酋等罪大惡兵既無能將復失算豈如南路全師而返

極愈不可寬矣昨阿桂在當噶爾拉軍律明而士心固賊不敢犯然木果

木有事之後當噶爾拉亦難獨駁遂整兵眾由南路全師

而重調勁旅吉林索倫健銳火器其心忠純

前已簡派八旗兵三千合

赴川助勦爲溫福等奏止使木果木營有滿洲兵在彼

緣營得所依恃不致倉惶潰竄是其事仍由溫福自誤幸

阿桂一路軍氣甚嚴卽投爲定西將軍並選健銳火器營

兵三千吉林索倫黑龍江兵四千迅赴軍營重籌進剿

仍分兩路堂堂正正不旬日間美諾重定

癸巳冬將軍阿桂統兵由西路進攻其南路則合明亮等爲副將軍進勦兩路

並進所向克捷旬日之間卽收復小金川全部

馬尼去聲並克豢養旗兵允得其力

阿桂於甲午正月擄佔

亦於是時克馬尼兩路之兵皆因入旗勦族

勇先登綠營觀感激勸皆効法恐後奏請甚速

一阻宜喜及彼絨布遇險而止

副將軍豐昇額同舒常於

成三路第宜喜之兵攻勦半載未能寸進而明亮則自馬

尼攻得木諾卡卡角及抵庚額特亦阻險未能進

布阿桂西路則屢建功羅博湖普逮遜克宗

甲午三月

瓦山梁六月攻克色湖普此諸寨並峯峻礮堅賊眾悉  
力死守官軍皆涉險銳攻殲醜甚眾遂臨遜克爾宗

穆山梁曰則丫口舉默格爾以擾其後我兵攻克色湖普

阿桂偵知喇穆穆施函峯厓陡削賊備禦稍疎因分兵

超越進攻盡據其礮並攻克日則丫口亦六月中事其後

兵進稍阻至十月初復繞道攻得默格爾山明亮宜喜亦

梁其榮噶爾博日爾巴當噶之賊皆截於後明亮宜喜亦

據嶺梁而後難進徒然望洋宜喜為賊要隘守禦極嚴豐

而命豐昇額改赴西路舒常在彼更不能進甲午夏因

亮在絨布屢攻未進不宜頓兵於無用之地令其分兵七

千移作正地明亮遣偵卒往探不見賊蹤難以輕進亦赴

西路協勦阿桂札止之會綽斯甲布土司懇明亮駐宜喜

并願効前驅明亮乃出其不意分兵冒雨直進據宜喜山

梁並攻得俄坡格勒古賊因掘濠斷流明亮等復為所阻

矣逮昨乙未畧康薩爾木思工噶賊礮並毀阿桂自攻得

勝直進賊復於康薩爾山梁抗阻兩月餘乙未正月阿桂  
派兵分路潛進拔其鹿角連越重濠躍上礮頂遂毀其礮



噶克了口從此下壓勢益順矣工明亮西河亦有所據日旁

以前五十里路謂當仍由宜喜一路進攻並派西路兵一

千令福康安帶往攻克甲索礮卡海蘭察亦往會攻合力

併擊先克薩谷其日旁右之河壩山并達爾圖得楞及溝

內之斯牟木咱爾各賊皆紛紛棄礮夾河兩軍聲息可通

並清後路遜克爾宗五月明攻克額爾替礮卡下至

派兵沿河從赤爾寨攻打隔河之沙爾尼一帶兩岸夾擊

聲息可通迨阿桂攻得噶爾丹喇嘛寺等處居高得勢以

遜克爾宗在我兵之後留之非計遂派兵三路分進豐昇

額督率攻勦或砍柵而入或梯牆而進遂得其礮殺賊無

算後路萬則大海昆色拉枯層層破要步步披嘔阿桂以

肅清矣在拉枯喇嘛寺之上於此路尤為扼要其苗則大  
喇嘛寺在拉枯喇嘛寺之上於此路尤為扼要其苗則大  
海亦當並勦分派將領統兵同往其昆色爾山梁最險官  
兵皆蟻附上攻依其礮寨復縱火焚燒拉枯喇嘛寺  
又攻得苗則大海官兵無不超越而登飛騰而入遂克

勒圍紅旗飛遞而何四月大捷未至既克西里迺若建旆

科布

曲

索隆

古

不日而傾

烏

阿桂於八月十五日

夜

攻

克

勒

處一夕無不摧破入日而紅旗遞至木蘭詳見聞捷凱歌

及記事詩自奏捷之後四閱月雖時有克獲未能深入直

至十一月月初攻克西里軍聲愈壯而賊勢愈感尋即攻得

科布曲索隆古山梁並克格隆古兜窩等要隘又掃清安

布魯木一帶益雍中舍齊易如拉朽密圍噶喇依賊其奚

據建旆之勢矣雍中舍齊易如拉朽密圍噶喇依賊其奚

走阿桂既克索隆古進攻朗阿古朗噶克丫口等處皆克

帶寨落悉行掃蕩並克舍齊喇嘛寺次日攻克雍中喇嘛

寺即於十九日統兵直趨噶喇依四面圍攻水陸俱斷促

浸番眾自攻克勒烏圍以來大小男婦紛紛投出其大頭

人布籠普阿納木達什阿庫魯等途皆相率乞降並索諾

木之母阿倉姑阿青及其姊妹並皆投至軍營命云索諾

木莎羅奔兄弟並作惡之大頭人丹巴沃雜爾等皆在圍

中此蓋逆酋賊黨等罪孽深重是時河西明亮亦入富德

天奪其魄驅之一處以就擒也

馬邦傳檄芥拾明亮既克阿爾克古等寨克取獨古木開

悉行勦洗過河會阿桂合攻賊巢富德亦將河南北之噶

咱普庚額特曾達等各寨落全行掃清直據馬爾邦亦遣

兵與阿桂會富德所得之設非西路圍噶喇依則其兩路

地俱不煩兵力易如拾芥攻取而富德久駐絨

亦無進期明亮富德兩路向皆艱於攻取而富德久駐絨

已圍噶喇依各處之賊皆胆破心散望風潰降非果由力

戰而得若非西路官兵直搗明亮富德兩路仍未有進取

也之期諸軍既合火攻周遭雖據三穴訖其奚逃然猶死守

四十餘日計窮力竭乞命而出官兵四面合圍賊猶負隅

礮卡將士等乘勢克取旁近寨落層層進逼熾賊日多逆

禽惶懼遣其兄岡達克彭楚克次第詣營並即拘繫於是

攻圍益急據其近礮斷其水道索諾木窘迫無計遂於二

月初四日早幸其兄弟莎羅奔甲爾瓦沃雜爾斯丹巴井

兩土婦及黨惡大頭人丹巴沃雜爾阿木曾綽窩斯甲尼

瑪噶喇克巴並兩喇嘛挈大小頭目男婦二千餘出寨逆

循跪捧印信乞免誅戮因即悉就擒獲俘獻京師自圍勦  
以來計四十餘日至是全境蕩平罪人斯得紅旗於二月  
十二日馳至桃花寺行在適當告功  
東陵之期此實仰  
賴  
皇祖默佑益深感敬隨諭將軍阿桂等績成功將士  
擇日凱旋俟東巡迴至黃新莊舉  
行郊勞大典以昭優武策勲之盛  
金川之功阿桂居首特  
恩異數加之宜厚  
征勦金川之役實由將軍阿桂蓋誠體  
此事首功特封爲頭等誠謀英勇公加賞雙眼花翎  
翎紅寶石帽頂四團龍補褂金黃帶紫轡以昭崇獎能出  
能入有權有經運長擊短後實先聲金川之功永資羣力  
寸步層峯冰滑石仄將軍指揮無不奮勇以此破敵鹿埕  
隴種金川之功非予所期事弗可已久而得之鬪猶獸困  
於鷄肋念我衆勞至今心惻金川之功允賴

上書靖彼蕃微我武維揚勒碑太學用遵成例靜言思之

文以誌愧

六月十五日

諭曰前據阿桂奏於八月初間來至熱河慶賀萬壽俟送駕後再行回京一摺已允其所請矣計阿桂於八月十六日送駕回京後舒赫德可於九月初起程至熱河辦理勿到止須在中關候駕無庸遠迎舒赫德與阿桂馳射素嫻卽至木蘭恐木蘭之鹿見而遠跳亦無所見長之處也將此傳諭知之

八月初三日公六十壽辰

上親製詩章以賜

恭錄

御製詩

協辦大學士吏部尚書一等誠謀英勇公阿桂六十

壽辰

功高殊衆賜冠衣壽日充閭耀吉暉謀勇奏平定玉壘歸

乘俾協贊黃扉六旬慶自今伊始廿四考當逾古稀不說

保全最龜勉

嘗謂史稱宋太祖能保全功臣以爲善事夫欲保全之是心中已先有一彼將有過或我

將疑彼之念非待臣以誠之道也君之與臣惟願其長享令名以宣猷佐理何必預設保全之意哉名同郭

令豈其非

御書匾額

附三入公全言  
卷一  
崇勲耆慶

御製對句

功冠紫光榮賜袞

等添絳甲贊調梅

又

賜如意藏佛蟒袍補褂帽頂朝珠等物

是年十月子阿迪斯投三等侍衛

十一月子阿迪斯陞鑾儀衛雲麾使